




硃批諭旨

鄂爾泰奏摺七



硃批鄂爾泰奏摺  
雍正八年正月十三日雲貴廣西總督鄂爾泰

奏為恭謝  
聖恩事

雍正七年十一月十五日臣齋摺家人蒙

恩賞銀十兩馳驛齋回

御賜臣寧絢八疋沉香一盒乳餅一匣果乾一匣抵彌

勒州屬之樹皮寨臣跪迎至塘房內隨恭設香案

闕叩頭謝

硃批諭旨

七

鄂爾泰

恩祇領訖敬啓摺扣荷蒙

殊批朕躬甚安好凡有來引見過往之人朕皆詳細備問知卿精神氣象甚屬壯健光彩實爲懌悅之至爲善日強是乃

天道敬誠爲養性修身之本乃千古至理二者卿皆得之聖矣朕復何慮欽此臣跪誦之下不勝感激不勝慚悚表在臣志切成人原不敢爲兒女態然每奉

恩諭入骨沁心儼若跪覲

天顏儼若面聆

慈訓神與氣結泪隨言下不但臣無以自解卽見者聞

者亦實不能爲臣解也伏念爲善日強人道實卽天道誠意故能潤身主敬所以復性此正

聖學高深與

天合德而剖析至理

宣示臣愚所以養性修身者在此所以理人治事者亦卽在此臣雖不敏無所成就然數年以來時時凜

聖訓體

寶訓亦稍有領悟精神壯健實倍於往昔而身心性命之際所以深受

殊恩而萬難仰報者臣惟自知臣惟自勉此固莫可名

恩言不容少懈者耳再讀至卿有微過令天下知亦  
毫不容情之

諭旨敬仰

聖明在上如日中天不以曲直而互易其影如鏡高懸  
隨其妍媸而各肖其貌功過不相貸恩威必竝施  
所以造就臣愚

訓勵臣工者至詳且切臣敢不時加凜惕又讀至於卿  
或有分外希冀等

諭臣不禁神愴在臣止知敬事

一人何暇容心於恩怨然逢迎嫉妬觀望窺伺者實不

忠無其人臣雖自信亦殊自危我

聖主矜憐臣志爲預絕意外之營求潛消難遂之憤怨

所以愛惜臣保全臣者至矣極矣臣敢不益加奮

勵益加儆惕乎謹此繕摺恭謝

聖恩伏乞

聖主睿鑒臣謹

奏

覽卿奏謝矣

土簡同日又

天奏爲恭謝

殊批諭旨

七

三

鄂爾泰

天恩事雍正七年十二月十四日接准部咨奉

上諭鄂爾泰忠誠體國經理苗疆勲績懋著伊曾祖圖  
捫於開國時奮勇陷陣效命疆場忠節炳然垂光衍  
慶積於其孫鄂爾泰爲不世出之良臣祖孫忠良後  
先輝映朕甚嘉焉今鄂爾泰奏稱曾祖圖捫與祀昭  
忠寺牌位列銜佐領請照固原提督紀成斌之父守  
備紀法業恩給誥封贈官之例請將苗疆議敘之案  
移賞曾祖祖父誥封著將鄂爾泰之曾祖祖父俱照  
總督加內大臣兵部尚書職銜給與一品誥封其昭  
忠寺圖捫牌位改書新贈之銜入於大臣之列鄂爾

泰苗疆之案仍著議敘該衙門知道欽此知照到臣

臣隨恭設香案望

闕叩頭謝

恩訖竊臣追憶髫鬣時臣父督課之餘諄諄以忠孝爲  
訓謂身不足學當倣爾祖每言及臣曾祖暨祖父  
母未嘗不泪下臣時雖無知一一敬記迄今四十  
餘年來不敢一日忘今荷蒙

聖恩加三世以內大臣兵部尚書職銜給與一品

誥封臣曾祖牌位改書新銜入於大臣之列

寵命自天感泣無地半生難遂之隱願至今日而畢伸

百身難報之

洪恩卽累世而罔極聆後先輝映之  
溫綸何敢負慚燕翼奉祖孫忠良之

寶訓豈忍貽辱祖宗沒齒不忘臣無可寬之一息畢生  
圖報臣惟誓盡其寸誠至苗疆之案仍著議敘之  
旨伏念祖孫父子業邀非分之

殊榮無惜頂踵髮膚何數當身之薄效除已經繕疏  
卿奏出於至誠朕實知之非常情之套文可比但卿祖  
奏謝竝陳愚悃外相應懇祈  
當年之功績朕實不知若知則早降諭旨矣今卿苗疆  
聖鑒俯允施行又本年正月十二日接准部咨奉  
議敘乃賞功之典若移封於卿祖則非不應恩加  
上諭數年以來怡親王及內外大臣中數人協贊朕躬

封誥者也不反掩沒卿祖之功績乎不必固辭者  
忠誠宣猷爲國家辦理政務勤慎奉職甚屬可嘉怡

親王之儀仗著增一倍大學士馬爾賽著加太子太  
傅大學士張廷玉著加少保大學士蔣廷錫著加太  
子太傅刑部尚書勵廷儀著加太子少傅靖邊大將  
軍公傅爾丹寧遠大將軍公岳鍾琪雲貴廣西總督  
鄂爾泰俱著加少保河東總督田文鏡著加太子太  
保浙江總督李衛吏部尚書查郎阿寧夏將軍西柏  
俱著加太子少保欽此知照到臣臣隨恭設香案望

闕叩頭謝恩

恩訖伏念臣自受事總督以來疊蒙

殊批諭旨

七

五

鄂爾泰

聖諭之褒嘉懼負車轡晉以來譽業  
知人之哲屢荷

殊恩之寵錫時懷逾分之羞世襲二品之官垂裕後昆  
采於奕葉

誥贈三代之爵重光前烈於千秋業叨罔極之

深恩永下難酬之血泪今復荷

特加少保器小任大

恩重命輕寅亮之猷實顧名而滋愧凝丞之職竊捫心

而加慚惟有敬誦

王言恪遵

慈訓每事矢之以忠誠勿懈夙夜庶務必勉其勤慎益

凜冰淵除俟開印日恭疏

奏謝外合先一併繕摺恭謝

天恩伏乞

聖主睿鑒臣爾泰無任激切屏營之至謹

奏

覽卿奏謝矣

同日又

奏爲

奏明微臣入粵情形事竊臣自雍正七年十一月初



八日起程取道廣南府經土富州等處入粵西境  
自剝隘地方至百色登舟過思恩土田州屬抵南  
寧府登陸赴柳州自柳州復由水路於十二月十  
九日抵桂林省城沿途瘴氣全消且天氣和暖路  
旁豆麥青葱菜花黃茂緣年歲十分豐稔以故兵  
民氣象皆甚屬恬熙臣一路接見屬員詢問情事  
原無所爲勞亦竝不知勞所有目擊情形先敬陳  
大畧看得百色地方爲滇粵門戶水陸交會人煙  
稠密商賈輳集且係行鹽總埠誠屬往來之要衝  
經臣

題請將右江鎮衙門移駐於此實所以資控制在撫  
臣金鉷之意前欲於對岸之甘蔗園建城修署及  
臣親加相度見甘蔗園地面低窪毫無形勢且隔  
河背道諸多不便隨擇於現在遊擊衙門左近既  
屬形勝亦且高爽今已面商定議不日次第興工  
至南寧一府南控陵隄東瞰潯梧西接思田北衛  
柳桂駐劄左江鎮爲粵省要區域垣圯墻堞傾  
欹臣前據查報業經批司料估茲復率同鎮道週  
圍親勘實屬應修不可再緩臣已會疏請大畧出  
旨聽候部覆此外柳州府城頗完好桂林省城甚壯觀

至賓州遷江來賓雜容永福等州縣城小而墻低  
間有倒壞已令隨時修整此沿路城池之大畧也  
粵西營務廢弛兵丁怯懦見者聞者莫不衆口同  
聲茲臣親至粵地始知從前之廢弛怯懦者亦有  
由來查通省額兵原不足二萬而提鎮將弁等官  
私食空糧竝捏克公費糧者已不下數千名其管  
隊領旗等又不敢不分給夥糧兼且一切軍器皆  
不堪用帳房鑼鍋無一齊備一經撥調將弁先已  
畏縮僅令現在之兵丁前往兵丁又不甘心以故  
與相因循遂致漸成疲敝自雍正二年以後侵冒

張溥之弊始漸次減除而營伍終未嘗整頓今自提臣  
張溥受事以來實心實力不避嫌怨軍裝鎗械已  
此病朕即為嘉悅今觀此光景又得一人矣何慶如之  
逐件整齊臣隨處考驗弓馬操演火器見各標協

營俱畧已改觀而提標則甚屬嚴整即如昨酌派  
官兵前赴都江時兵丁紛紛告稟俱各願往效力  
是軍氣已振號令可行但能從此勤加訓練務鼓  
動其心志將不一二年皆可漸成精銳此沿路軍  
伍之大畧也粵西各屬土職之為患者少版目所  
目之為害者多緣伊等平素既能挾制土官及至  
地方有事又惟土官是問竝不責成土日以故日

久成習肆無忌憚臣是以少寬土官惟嚴飭土目

甚是可謂得法也

屢據各屬稟報俱稱不敢滋事臣竝未敢過信茲

自入粵境隨據總兵官蔡成貴呈報據泗城府鎮

安府西隆州西林縣土田州土鎮安州各屬土目

各赴鎮呈繳軍器同願永為良民祈請轉達計所

欣悅覽焉泗城諸地方如此情形粵西通省朕可無慮

矣

呈繳鳥鎗共二千二百四十二桿腰刀共四千零

七十二口標子共一萬零一百七十五根弩弓一

千七百零一張據稱尚有未及繳到者容卽陸續

全繳本職現俱查收請將鎗刀揀好者給新兵領

用其餘遵示解交司庫備用等情而思恩南寧太

平各府屬土目竝約集千餘人遠出迎接俱隨行

數日看此光景似漸有回心向化之意臣俱犒賞

開諭宣示

皇仁各懽忻領受而去此沿路夷情之大畧也粵西土

蠻主府州縣以及崗寨等司共計五十員俱隸於南太

思慶四府半係狄青征儂智高時所留守半係王

守仁征岑猛時所駐防其中良頑不一賢愚各異

從前諸流官但知利其貨財竝不示以統屬卽或

繩以法紀亦竝不禁其殘苛土民目無流官土司

心無大吏愈遠愈疎日久日玩故卽該管府道有

竝未大見土屬者此邊省之通弊亦不獨粵省爲然今臣赴粵自百色以至南寧四府五十土員內除現未承襲及因事叅革之五員外其餘無論遠近俱經濟到匍匐叩接踴躍隨行臣一體傳見宣示

聖主一視同仁至意曉以禍福喻以人禽內有昏庸不能約束乖張不恤夷民耽酒好戲一任頭目驕縱癡歎敗家亂宗者共數人臣復指名申飭更詳切開導該土員等聽聞之下叩頭有聲齊稱誓當圖報

國恩不敢有負訓誨直隨至賓州始皆退散臣看各

土員內竝無獷悍之人只須教以禮法不須示以

威嚴惟一二地方有應改移歸併者容臣再加詳

酌此沿路土官土司之大畧也粵西地土肥沃寬

平不讓內地諸省從前頗側險隘之說皆屬虛捏

臣經過柳州府直隸賓州卽就目所親見可耕種

者已不下數十萬畝提臣張溥言伊巡歷所至如

此類曠土仍不止數倍閒棄地利誠爲可惜昨歲

撫臣金鉷赴粵與臣言及欲仿屯田爲足兵計臣

云兵少不妨請添開墾之實應力行屯田之名不

必立今臣親至查問知開墾一事尚竝無成議是務當及早經畫者至額荒田地雖亦經報墾首熟然細加察訪紳衿士庶尚多不遵限首報或將未首之田指爲老荒具呈報墾或將新墾之地匿其大半僅首些微地方官或有糧冊而無田冊縱使稽查不難指東話西甘蹈欺隱臣業檄令藩司通飭各屬先令戶書開明各里各甲查出業主正姓的名弔驗文契有無帶荒字樣則欺隱自出凡有報墾者地方官卽就查勘如果係無主老荒或有主而無力開墾者方給照許其開墾如以熟田混

報新墾治其詐冒之罪倘堅不首報或經查出或被告發卽變價入官給賞首告之人仍治欺隱之罪按年照追籽粒則原報荒額庶可以補足又民屯田地雖分里甲立有戶根然半係地棍勢豪包納侵肥業戶之正姓正名糧冊不得而考業戶之額糧多寡本人竝不得而知於是姦徒立一戶根以爲網利之計胥役見無冊籍恣其舞弊之端應是但必須得優員清查若徒事首報告發恐未必能徹底清楚也此乃朕偶爾之見解惟卿酌量措置可耳伊糧額各立戶名不許捏名詭寄庶姦徒無從包侵而地方官之催徵亦得實據臣仍當不時查催

總不敢少有諉卸此沿路地土之大畧也粵西水陸處處通達如自百色抵南寧由潯梧平樂以至省城俱可行大船但路稍迂遠自南寧登陸至柳州計七日道路寬平數輛車亦可竝行卽自剝隘至百色之陸路從前甚屬險窄今知臣經過猥獯人等爭先開修已成大道獨由柳州至桂林之路陸路俱有阻隔往來不便查自柳赴省陸行三日可到只因細路崎嶇兼無舖店行人遂視爲畏途欲事開修殊非難事至於水路係自府城登陸四十里至雒容下船經二百二十里抵蘇橋復自

蘇橋登陸六十里至省城計程不過三百二十里須行六七日者緣河面雖寬然灘淺沙淤從未疏濬日有停擱俱係水手下水推行卽寒冬以爲常臣隨處詳勘竝細加詢問知不但開挖此河甚易爲力且自柳至省原直可通舟不須逐節登陸查自省城河塘起至分水塘以東雖有牛尾陡馬溜陡等名共九處內惟廟門橋陡社公陡二處應修老虎跳曬禾坪等處有石應鑿自分水塘以西均係順水半屬深寬內惟鯁魚黃泥二陡應須整理外共有低橋三處應須改造統計工料需費無多

若此河一通不獨商賈便利且附近田禾皆可資  
灌溉臣已面商撫臣切囑兩司即令委員勘估擇  
卿等若力有不能即請動用正項此等之費乃朕所樂  
日興工此臣等力所優為者竝不須動項其大學  
為者

士陳元龍所條陳之陡河已經報竣臣擬於正月  
廿七日自桂林起程再取道親勘倘有未協仍令  
加工修築務期堅久此沿路水陸之大畧也至塘  
汛郵遞半多懈弛墩臺房舖半屬草率臣已嚴飭  
通行其文武官弁於沿路驗看竝封印後來省接  
見者已十居八九容臣實據所知合之查訪將賢  
否優劣分析開摺續呈

御覽所有微臣入粵情形合先繕摺具

奏伏乞其

聖主睿鑒臣謹

奏

嘉悅覽之

同日又

奏為敬陳水利併改河道事竊照雲南府屬之宜良

縣原有水道其在縣之西者有湯池龍泉共十八

村之田畝悉資灌溉不過修整埂壩開濬河身便

可無水旱之虞其在縣之東者有赤江一道發源

曲靖穿過陸涼流於該縣達於澂江原屬巨浸但江深岸高無濟田畝狗街六村計十五里向無水以供栽插業經臣於六年冬檄令該縣相其水道奏開引孫王吳營之水以灌田赤江以東亦現受其利獨縣治之東赤江之西自黑羊村以至水趕村共四十餘里從來無水田畝不下萬頃每栽插失時所收歉薄約計十畝尚不敵縣北之一畝臣查望土宜良河陽交界地方有陽宗海寬十里南北長三十里其深莫測前明有糧道文衡者曾開挖此水崎嶇穿山過箐從湯池已至黑羊村今雖稍淤田畝猶

賴以利濟臣論該縣前人既可行之於前今人何不可踵之於後縣北之四十餘里既可挖縣南之四十餘里寧不可鑿乎若能開至水趕村通赤江其利濟甚溥仰卽傳集紳士耆老公議開修去後續據知縣邢恭先稟稱奉諭之後卽集闔邑士民奏公議疏鑿俱各歡忻踴躍業擇於十月初三日興工日有千夫各開各界竝不要工價但須接濟食米等語及臣赴粵之便經過該縣親加查問薄示犒獎士民鼓舞倍常約於歲底春初卽可以竣事但北屯疏濬南屯開挖共計八十餘里不無傷損



極好之舉

民田應俟事竣之日或抵補或開除或給價務使

地無遺利而民享其成此臣之所至願也至於通

粵河道自滇之阿迷州直達粵之八達汛中止有

土黃一百數十里之陸路前經臣

奏明今查得由飛塘至八達河止計水程二百四十

里水勢平緩易於疏鑿大可行舟由八達河登陸

至土黃計一百八十里下船直通剝隘百色計水

程六百九十四里與其歷諸險灘至阿迷州登陸

六日方到雲南省城不若由八達河下船至飛塘

登陸由廣西府至省城計程亦不過六日既險易

聖上迴殊且工費懸絕臣隨於途次面交廣西府知府

奏周採令將廣西府至雲南省城六站陸路修整寬

平務使可以行車復札諭糧儲水利道黃士傑令

於此一百八十里陸路兩頭蓋車店兩處共打車

一百輛買大牛一百條委妥人照管以便載運錢

銅招引商賈至此條陸路原係粵西西隆州地界

自八達至馬蚌四十里有塘房可住須添蓋牛棚

二十間自馬蚌至古障五十里亦有塘房須添蓋

牛棚二十間自古障至央達六十五里無屋可宿

須蓋塘房十五間牛棚二十間自央達至土黃三

十五里須蓋塘房十五間牛棚二十間業經檄飭西隆州照站起蓋竝令該道一面差人支取臣存

慶快庫養廉銀照價給發茲據知府周採稟報至省陸路業遵諭逐一修整平坦寬濶牛車可以通行又見總未實心辦事者之所致天工人其代之原不誤也據糧道稟報車已打造牛已買備其河路船隻早已足用等語其塘房牛棚現又飭催西隆州作速興造緣為滇粵通道計臣不敢少有將就事期可久不得不更為通酌者也合併繕摺具黃土對合

奏伏乞 聖主睿鑒 臣謹

奏謝 同日又 奏為奏 聞事竊照黔省苗疆自開通之後楚省舟楫已可直達

是當之至 同日又 奏為奏 聞事竊照黔省苗疆自開通之後楚省舟楫已可直達

清水江來往客商現今稱便而古州八萬有都江河道上可至黔之都勻府下可至粵之柳州府等處船可通行既便且近因向有原未招撫之定日

奏寨及來牛寨兩處生苗尚在阻梗經臣密飭該文武緩待務俟營制既定諸務就緒然後相其順逆

奏寨及來牛寨兩處生苗尚在阻梗經臣密飭該文武緩待務俟營制既定諸務就緒然後相其順逆

奏寨及來牛寨兩處生苗尚在阻梗經臣密飭該文武緩待務俟營制既定諸務就緒然後相其順逆

一舉可畢業將大槩  
奏明在案今古州一帶現在安塘設汛并設流官管轄化導而定且一寨前據密報復有伏草截路傷害放馬苗夫之事是剿之有名機不可緩但查定且來牛之後路俱緊連粵境非粵兵協進難以開通臣巡視粵西查得柳州慶遠二府計程到古州緩不過十餘日抵南寧時隨調撥左江鎮標兵三百餘員名至柳州時又派調提標兵七百餘員名慶遠協兵二百餘員名并令酌帶土兵檄委慶遠協副將潘紹周永寧營叅將施善元統領前往古

州諸葛營會同黎平協駐防彼處副將趙文英查勘河道便剿定日又撥粵撫標兵三百餘員名賓州營兵二百餘員名徑由荔波縣屬之三崗前進平宇地方并准趙文英檄調都勻協兵三百餘員名亦前抵平宇兩下會合堵禦定日帶勦來牛俟事畢後卽令開通河道會同踏勘黔粵二省當於何處分界兩省地方應於某某處設汛各需兵若干各於何營抽撥定議通詳酌奪在懲治二苗寨原不須多兵臣所以撥派稍多者一則爲開通兩省河道計二則粵西弁丁向不知兵事旣令其學

習行走以鼓其志氣兼令黔疆苗衆知粵兵聲勢  
呼吸可通竝以懾其膽而消其萌亦殊爲兩益也  
再黔省各處苗情大局俱屬帖服惟古州之車寨  
諸葛營舊爲伊土今旣就地建營現雖外甚恭順  
未免中懷耿耿抑清水江之雞呼黨數寨原與公鶩  
合款習氣兇頑公鶩雖平餘黨半在暗地勾結亦  
情事所必有臣屢經切札囑撫臣張廣泗并鎮將  
等官加意防範不可姑息茲臣赴粵於途次先後  
接據總兵蘇大有呈稟准張廣泗札云十一月初  
間有雞擺尾大寨苗頭數人來營報稱有雞呼黨

等寨潛相糾結欲來偷劫苗等勸之不聽特來密  
首蘇大有當卽准備果於初六日夜潛來營盤左  
右窺探見有防範不敢肆惡猶於遠山舉火呼跳  
迨至天明遣發官兵數百名沿山搜逐衆皆奔竄  
擊殺頑苗數十人我兵亦帶傷二人續據探報頑  
苗自奔竄之後不敢復來而附近寨分有被其迫  
脅者恐并連累俱赴營洗白確查倡首者只有雞  
呼黨東庫天蜡黨宜四寨現亦畏罪央人求饒情  
勢不過如此無煩籌慮等情又准提臣楊天縱咨  
同前事并令更替補數官兵前往等情各到臣隨

經札囑蘇大有等倉卒之際良頑未分驟爾進剿  
反滋惶惑務查實順逆先明白曉諭與別寨無干  
然後指定雞呼黨數寨盡力懲創卽縛獻哀乞切  
不可輕聽去後復札覆張廣泗前公鷺寨原未盡  
勦餘黨思欲報復故必煽惑勾結且雞擺尾等處  
近聞赴省叩見而獨雞呼黨不前其機已露故預  
料其不無反覆前在黔時欲一併勦戮者實非忍  
也今自作之孽何用姑息倘再縱惡致多效尤是  
不殺少而殺衆名爲用愛而實殘故未經化導而  
抗拒者情有可恕業已歸嚮而反覆者法必當誅

雖反覆者只三四寨而漸不可長萬不可因事易  
而輕忽視之且現因開通都江調發粵兵至古州  
諸葛營協同辦理雖清水江無需粵兵而正可遙  
作聲勢事機難預定可就近酌行等語札覆去訖  
至於古州之車寨現雖毫無形迹然不可不預圖  
臣已密諭副將趙文英令於進勦定旦時親領千  
餘兵離營却於附近埋伏諸葛營內故示以單弱  
以覘其動靜倘少有反覆卽回兵嚴勦若果歸向  
甚堅則萬不可輕舉臣看趙文英頗知機蘇大有  
實能事粵副將潘紹周雖少歷練然志氣可用佐

以叅將施善元久經陣戰能識緩急此三事料可  
計日告竣所有撥派調度情事理合繕摺陳明謹  
奏

大局業已蒙

上天慈恩盡屬妥協矣似此細端猶在卿酌量詳慎不可  
少忽以貽後患然古州一事朕終不敢信其久無他變  
也卿其誌之若能始終如今日之妥帖誠出望外

同日又

奏爲奏

聞事竊照粵屬荔波縣之高黑寨上林縣西撫之六便

村二處蠻賊荼毒良善禍害邊境罪狀雖異惡蹟  
實同臣先後檄行發兵懲創業經

奏明在案續據副將潘紹周等稟稱躡緝得蠻賊等  
藏匿洛崗巢當卽會同賓州牧王璵督兵攻打賊  
復潛遁嚴令官兵加謹搜捕守備許應虎等於十  
月初八九兩日擒獲男婦五十餘人又獲窩賊樊  
國珦并其妻媳孫女八名口俱交賓州收審訖又  
於十四日據三鎮土舍等報西撫淶村山上隘口  
有賊潛匿隨卽督令官兵役四面分佈將淶村  
山團圍搜擒職等從洛崗移營督兵會捕十五日

漢土官兵奮勇直上蠻賊開鎗迎敵當被土兵鳥鎗中其右乳從崖上跌下當卽氣絕據鄉練人等看視稱係賊首樊匡料各皆憤恨切齒欲分啖其肉而甘心職等恐其不確令營兵有目識匡料者識認咸供稱無異隨卽梟首呈驗繼據報樊李王在龍霸巢地方藏匿隨卽親督弁兵於二十二日追捕已將樊李王擒獲并擒幼女一口礮死伊子一名其餘黨羽仍令官兵嚴加搜緝等情到臣臣查撫民之名始於明代王守仁在當時原未加懲創故至今猶敢肆兇橫茲賊首樊李王等旣俱已

可喜事也

就擒則西撫一帶得以漸次布置矣至高黑寨蠻賊梁總綱等懼罪潛逃遍緝無踪其附和之衆俱經撫諭安插現議於寨內摩徭村安設營盤於村外路口各處分兵防守將寨改爲高黑汛令城守千總一員帶兵暫駐并會同貴州獨山州之爛土

一微

外路員彈壓不覺少單弱乎

司設法緝捕而撫諭安插之衆俱各矢誓歸誠願協力擒拏如有隱徇自甘寸磔并出甘結木刻交縣備案臣已飭令建造營房留兵防守竝將該寨田土招民領種仍通行各屬務將賊犯實力躡緝獲解去訖是巢已盡毀地已改營賊旣無歸路亦

難有去路游釜之魚料不能漏網也臣查粵西一省猥獍爲害實不止此二三處而慶遠思恩柳州三府直隸賓州一州爲尤甚蓋土地荒僻易於遁藏又有地棍劣衿爲之黨羽根蟠蔓衍遂日久難制若因擒治數起案犯卽以爲兇頑震帖僅見通衢附郭良民卽以爲地方樂利恐當此少有懈心日後轉須費力密飭嚴拏固未可以暫忘者臣在滇署業經通檄各屬竝不時訪察茲自入粵境復沿途細加查訪凡素行不法之棍霸亦稍自斂戢竝有自行投首者槩許以自新其兇惡不悛斷難

寬貸者如賓州屬之獍棍韋學祖石良玉號稱南北二霸殘虐鄉愚魚肉良善附近被害者竝不敢訴告恐官不能治反遭其毒手臣過思恩時據報業將韋學祖獲禁其石良玉經嚴諭該州縣勒限拏解現據稟報亦於十二月二十八日擒獲到案又南寧府屬宣化縣之武生梁愈棟窩強匿竊無惡不爲伊子四人竝爲盜賊大爲地方害亦卽檄拏審究又直隸鬱林州屬之衙役何清等七人藉端勒索嚇詐鄉民臣訪有實據隨經密飭拏訊以好此輩當盡法處治之上土霸惡衿蠹役等特先爲懲一儆百計此外尚



多務當嚴飭嚴拏以靖地方者也至若慶遠府之  
宜山縣屬有南巢西巢北巢四面險阻惡獍盤踞  
其中時出劫擄雖隸宜山縣管轄而與南丹東蘭  
那地三土州連界潛沒出入縣令不得制今東蘭  
州既改流非設兵駐防不足以資彈壓又柳州府  
之羅城縣屬有通道崗馬等寨巢穴深險隘口窄  
狹惡獍時出而擄掠兵役不得入而盤詰該地方  
文武皆能知其詳臣擬於要隘處所先密設塘汛  
以稽其出入以斷其搬運順則示撫抗則立勦現  
與撫提二臣會商酌議竝一切添兵移營及米穀

奏礦廠等事俱容臣虛衷商問細心斟酌再當次第

請  
好應添兵弁處自當奏請添設不可將就從事  
旨遵行外所有查訪擒拏大槩合先奏

聞伏乞

聖主睿鑒臣謹

奏

欣悅覽之

同日又

奏為廣南土司土目投見歸誠事竊照雲南廣南府  
土同知儂繩英犯法擬絞業經監斃其妻嚴氏撫

幼管事其權俱歸土目其四大頭目曰內甲曰總管曰板欄曰內兵其板欄有陸順達與其子陸尚安等互相濟惡官府傳喚從不入城卽偶至城外亦必帶兵四路埋伏其於村中占奪燒搶種種不法會於康熙五十六七年間各頭目遍起土兵圍城幾陷亦惟事隱忍不可奈何及經臣出示明書陸順達陸尚安等名曉以改過從寬怙惡必戮大意後亦稍知斂跡臣於雍正五年八月初一日覆奏陞任廣南府經歷吳啓文摺內

奏明荷奉

硃批覽此奏朕明悉矣次第緩爲之卿自有斟酌道理朕意凡煙瘴之地改流極宜詳慎欽此臣卽密諭該地方文武外示寬容密爲防範以便緩圖今臣巡視粵西路經廣南預行檄飭經過地方凡土官土目人等俱來聽宣示示獎示以示勸示以示懲示以示貴示皇仁予以自新之路開其遷善之心如有隱匿不出者定行嚴處去後到處土官目民人等無論遠近盡來投見臣隨加獎賞勸諭於十一月十九日將至廣南卽有儂繩英之妻嚴氏同其姑祿氏率領伊子儂振裔竝四大頭目等泥首郊迎臣於二十日

逗遛一天盡傳至行署面加開示若能改過自新  
已往不究若仍蹈前非卽嚴拏正法該目人等無  
不感激泣下誓爲良善內陸尚貴一目前歲征剿  
八達寨時曾調領土兵奮勇效力業造入軍功冊  
皇口內今因其來見賞以紬緞銀牌等物竝令以外委  
把總隨營行走一以示獎勵一以便指使陸尚貴  
涕泣叩頭感激悅服時陸尚安一自猶畏罪未出  
及至次早將起行陸尚安投到俯首請死臣歷數  
其惡故作必殺狀竝令其回寨預作準備以待屠  
滅而陸尚安叩頭設誓願永作良民懇隨赴廣西

隨回雲南以效犬馬迨隨行兩日已入土富州境  
臣始許以不殺令一聽流官約束時土官母子竝  
大頭目人等俱在臣復剴切開示令其各回大衆  
感謝皆有依戀之意蓋廣南夷患不在土官而在  
是當之處不勝批諭惟以手加額感謝  
土目夷民受其殘虐而無可告語者已非一日故

上天

聖祖之默啓

深有望於此舉而羣以爲大幸也隨抵土富州該

土州沈肇乾力疾遠迎匍匐道左夷目人等無不

懽躍臣亦加以獎勵諭令寧輯地方各安本業伊

等皆知感戴聽受惟謹嗣於十二月十四日行抵  
廣西柳州府據廣南府知府賈秉臣廣南營叅將

馮鸞稟稱有撫幼管理廣南府土同知事務嚴氏率領土目親具印呈內稱自大憲節制撫恤漢夷同視近來年豐時和祥瑞疊見幸逢巡視粵西沙儂今日見天敢不及時向化氏雖女流亦具天良誠心愛戴情願於原納額糧一千八百二十二石零外增輸熟糧一千一百七十七石零共足三千石又廣南府向無城郭願捐己貲建築城垣一座不敢派累夷民以報

國恩土目陸順達等衆志如一懇恩轉達等情又據廣南府富州土知州沈肇乾亦具印呈內稱自沐

聖朝覆冒生齒日蕃荒土漸開茲逢大憲冒瘴衝煙爲民籌畫雖屬土夷亦具天性情願照原額秋糧三百六十六石零外增輸糧米六百三十三石零共足一千石以供兵食又卑州向無城垣願捐祖遺貲財在歸朝地方建城一座以固邊防職屬九苟土目頭人方準矩等紛紛踴躍各各傾誠永願爲聖世良民伏乞轉達等情又據馮鸞稟報有廣南老土目陸順達面稟今蒙大憲巡歷恩威普著合門感激不殺之恩謹繳從前收存大礮一座過山鳥一尊願永爲良善此外尚有大礮各頭目情願總繳

伏乞賞准從緩查出一并繳上再廣南土目俱已  
到齊惟陸尚元盤踞彌勒灣地方從不進城今又  
未到現已嚴檄土同知飭查另報各等情到臣臣  
查雲南廣富三土司地廣田肥不讓內地廣南一  
營兵米歲需不敷仍須採買而接壤粵界沙儂素  
多仇殺又竝無城垣可資防禦目前雖屬寧帖終  
非久遠之計臣會委員料估城費卽石基土墻亦  
需一萬餘金而廣富糧米頗多卽加增一倍亦甚  
屬從容今該土司目民人等既自樂輸將願捐建  
雖出伊等至誠但此城不可聽令捐修當請動正項修  
望自應批准令其據呈通詳其陸尚元一目獨未

理可

備敘情由引朕諭旨具本題奏

投見未可竟置不問臣已批令先行開導予以生  
全倘敢有頑抗立即擒治蓋從前原不妨寬緩以  
待徐圖此時則務當嚴急以齊衆志陸尚元固無  
能爲恐將生衆目之心也其土同知嫡子儂振裔  
年已十六例應承襲管事臣已批令取結具詳竝  
不許令伊有絲毫雜費去訖至於廣南一營地方  
遼濶汎廣兵單實不足分布彈壓按舊制廣南營  
屬廣羅協兼轄係臣衙門統轄竝不受開化鎮節  
制是以遇有事故呼應不靈彼此推諉以致日久  
廢弛查廣南府離省城十二站離廣羅協駐劄之

廣西府八站而開化府一鎮離廣西府廣南府皆止四五站較論遠近此一協一營自應歸併開化鎮管轄庶便酌緩急以資調度且此一隅係三省交界極邊之地今統歸一鎮則黔有安籠鎮粵有右江鎮與滇鎮三方鼎峙連絡聲援亦足以建威消萌永謀寧謐但道里形勢臣尚未周悉或將開化鎮竟移駐廣南將副將移駐開化或將廣南改協廣羅改營兩相調換容臣詳細籌畫再當會疏請

是旨遵行除輸糧數目及建城日期俟詳到

題報外所有廣富二土司土目投見歸誠情形合先繕摺奏

聞伏乞

聖主睿鑒臣謹

奏

覽

奏同日又

聖奏為奏

聞事竊照廣東省盜賊甚多或駕船列械或哨聚山林公行劫掠為害地方兵役不敢捕緝案件十無一

結臣聞知最確前廣東督臣郝玉麟過黔時臣曾  
囑令振刷措置漸爲消弭并於欽遵

聖諭與郝玉麟講論事宜摺內

奏明至廣西省雖未聞有匪黨聚衆而接連東省州  
縣及土屬地方不無兇犯逃竄潛匿復經臣通飭  
各屬密訪嚴拏在案茲臣抵桂林省城後於本年  
正月初二日准督臣郝玉麟咨會上年十二月初  
五日據肇慶協副將李建功探報肇慶府屬恩平  
開平等縣地方有姦匪聚衆不法散布僞劄當卽  
委員領兵前往搜捕陸續據報獲解姦徒四十餘

人隨經飭審究擬今餘黨已散地方業已安堵惟  
訊獲犯梁子賓供十月內有東安縣李梅說八月  
裏往廣西大倫地方見一箇姓文的說他哥子現

皇恩在陝西要圖大事招有許多兵從廣西就到廣東

楚震公就是姓文的弟郎還有一箇和尚叫智開  
曉得法術臨陣能使人昏迷八卦圖寫羅平二字  
係取來作旗號劄付係紅白藍各色等語希卽密  
查大倫地方有無姦匪潛匿境內并飭各屬嚴行  
稽查防範等因臣看來咨內所開大倫地方竝未  
訊明屬何州縣惟查梧州府屬之北流縣屬現有

大崙墟地名隨密檄司道及府州等星速查拏并  
容覆督臣郝玉麟去後旋據泗城府知府祖良範  
稟稱十二月十二日據武舉岑映翰稟本月初十  
日陡有羅安面遞稟帖係班康吳順黃全羅安名  
字俱是府城素不務業之人拆看都是不法之語  
不勝駭異武舉世受

皇恩粉身難報因兄映宸不肖改土歸流猶蒙准予存  
祀日前叩接督部院又蒙訓誨獎賞聽受之下感  
泣無已今班康等自己爲人所愚又來哄騙武舉  
爲禍不小特將原稟呈電等語隨問岑映翰供據

羅安說爲首的人本姓韋係土田州人自稱李天  
保現住在田州街上去來不定他叫我來說若要  
做官拏十二兩銀子給李天保討一張劄付來就  
可做官了武舉假意對他說有此機會是極好的  
事我差人同你到李天保家討了劄付回來再作  
道理他信了武舉的話還在武舉家住著求將羅  
安暫緩拏訊且令伊同家人往田州取討劄付等  
他們去後武舉帶領親信受人隨後趕去出其不  
意一鼓擒捉等語卑府隨將計就計令岑映翰前  
去擒拏岑映翰打發家人同羅安去訖於十四夜



又據岑映翰首報有一人名蒙薦帶有劄付一張來招家人班良班良告知武舉蒙薦現住府城相應出首等語隨即密拏蒙薦訊供是泗城人今年四月內到田州撞見李天保說玉皇大帝二仙娘娘來點化他賜有玉符使法跟了他就有官做故此小的跟他的平日來往的都是田州土人零星散住約畧也有五六十人記不得他們名字小的曾向李天保說起欠班良八錢銀子至今不得清還李天保說你招他來做官他看見有劄付這銀子就不要還要另外送你銀子故此替他送劄

付來的等語又搜出牌一張符咒五張據稱做護身的俱係零星破紙卑府一面將該犯嚴禁一面岑映翰可嘉之至賜給千金以示鼓勵其人可以委岑映翰同幹役往田州查拏李天保等一面出如何加恩處奏朕知之愚惑者自首免罪合鈔原稟劄示曉諭倘有被其愚惑者自首免罪合鈔原稟劄

付呈報又據田州土知州岑應祺稟稱奉泗城府牌委十二月十八日夜協同泗城武舉岑映翰拏獲匪類李天保徐召年班康等三名并歇家楊秀陳良黃寄三名起有偽劄字紙訊據李天保供係思恩府屬歸順土州人徐召年係廣東高州府電白縣人今住太平府屬鎮遠土州地方班康係泗

城府人當將現獲匪類歇家羈禁聽候提訊偽劄字紙稟繳右江鎮合具稟報又據右江鎮總兵官蔡成貴稟稱李天保假此劄付愚弄土人圖得財物其偽劄內皆先填註姓名然後授劄附和要犯有吳順黃全勞有功黃結現在密拏偽劄畧檢二張呈閱各等情到臣臣查李天保潛匿田州私造符印分發偽劄劄內偽號曰開平元年即據各稟稱李天保貌同乞丐畧無人形而此等匪類若不追究根由剪除餘黨何以安定良民東西兩省之案是一是二尚未供出隨行廣西按察司移會右

奏江鎮并行泗城府及土田州迅提李天保等各犯  
奏公同會訊果係何人造謀糾夥稱皇假號何人偽  
造印信劄付同黨實有若干人廣東省謀爲不軌  
之犯是否即係伊等一起大倫地方是否即係北  
流縣屬之大崙墟抑或在泗城府及土田州所屬  
境內文姓是何名字現住何處楚震公與和尚智  
奏開會否識認選差兵捕追拏供出夥犯務獲一併  
批示訊取切供詳解撫臣親審明白請

旨正法發落外所有廣東省查拏匪類廣西邊境拏獲  
聞大姦匪現在飭審緣由合先奏

聞伏乞聖主睿鑒

批示施行臣謹

奏開會否

覽此等匪類之為害甚於賊盜當不時留心訪察者此案宜極力嚴究審擬可傳諭金銀等不可存恐其拖累

之小見草率將就完結也

同日又

奏為覆

奏事前臣請開黔省鼓鑄摺內荷蒙

硃批欣悅覽之向聞黔省從來不用錢文今似此得無

可通行乎欽此伏查向來黔省竝不用錢文者既因

錢文無多兼因苗狎獷悍習慣逞兇但見財物即

行搶劫錢質沉重更不便攜帶又因糧食買賣熟

苗以錢交易者漢民或昂其貨物或虧其錢價故

彼此俱不用錢由來已久今數年以來仰賴

聖恩苗民向化道路坦行搶奪之風已息錢文之價甚

平不特往來旅店銀錢竝用且有商賈於滇省馱

錢至黔換銀者是

國寶漸可流通自應乘時鼓鑄據臣愚見擬於開局

硃批諭旨

七

三

鄂爾泰

鄂爾泰

之後不特各役工食及驛夫等項俱應發給錢文而支領兵餉亦須以銀八錢二或銀七錢三搭放卽漢夷零星糧折亦令其銀錢竝納則上下通行遠近散布錢文自無壅滯矣再黔省礦廠雖可有成效然經理方始尚未敢驟定規條如商民獲利太微則開採者稀少遠近脚力太重則販賣者退縮須權其所出之多寡工本之輕重馱載之遠近大局不可分岐而調劑須別高下必使民間於工本之外尚有利息而在官所收銅鉛亦必各有贏餘則上下均受其益方可以經久臣已批示委管

廠務各員去訖容臣由粵過黔時再面與撫臣及司道等細心酌量妥協再行

題請外所有黔省錢文可以通行緣由合先繕摺覆奏伏乞

聖主睿鑒謹

欣喜覽焉

欽此 雍正八年三月二十六日雲貴廣西總督臣鄂爾

思賞泰謹 兩湖總督臣回

聖奏爲恭謝

硃批諭旨

七

三

鄂爾泰

聖恩事雍正七年十二月二十九日臣齋摺家人蒙  
恩賞銀十兩馳驛齋回

御賜

御書福字一幅

御書對聯歲歲平安節年年如意春十字平安如意荷  
聖主包一箇堆錦荷包一箇內貯金錢寶玉等各十四  
表枚哈密瓜二圓文旦四會柑紅柑盧柑甜橙共一  
箱各種敖爾布哈一匣奶餅一匣鹿尾十條樹雞  
六隻野雞十隻細鱗白魚二尾多樂魚二尾鹿肉  
十四塊鹿腸一副抵廣西省城臣隨郊迎至行署

恭設香案望

闕叩頭謝

恩祇領訖敬啓摺扣荷蒙

殊批朕躬甚安好卿好麼新春新禧諸凡平安吉利如  
意也欽此又恭奉

聖訓摺內荷蒙

殊批欣幸覽之此實卿忠誠之所感召非朕推美於卿  
作違心之諭也然

上天賜佑之德朕亦不敢矯情謂於朕無涉蓋君臣之間  
若少不能視爲一體則爲庸主愚臣矣同禧二字實

爲通論餘無可諭欽此伏念臣身在萬里心依九重感

聖恩之逾厚顧臣職之匪輕每自省自訟斯懼斯慚雖時敬體

天心未能步趨一二幽獨之地只應自知茲跪誦同禧深維一體心馳神悚復不禁涕泪之盈襟也至諸凡平安吉利如意臣自赴粵返滇周行四省氣候各殊水陸迭替不但臣身體強健精力倍增卽隨從二百餘人竝無一人疾病而人情和悅氣象光昌一切舉行半多順遂惟

聖主之賜直遍及庶人臣之慶幸實有莫可名言者若

恭逢

至聖之主而猶無所領受顧自安於愚是爲下愚不移天之者臣愈知所以自處矣再臣恭報三省秋收摺內

荷蒙

硃批以手加額覽之朕向來深信

天道捷如影響今歷觀滇黔之賜應實愈加親切倍增寅畏也不但當世封疆大臣起奮勉效法之心卽將來奕禩膺父母斯民之任者亦莫不興感忠誠任事之天念也卿之功大矣

上天念小人之微矣

聖祖賜朕之恩厚矣我君臣惟愈加敬謹以仰報

天

祖之罔極耳期共勉之欽此臣捧讀數四悚惕汗流伏惟  
天道無私人心有著敬謹所以修身寅畏所以立命但能  
深喻影響自必各起奮興在

上天之鑒察昭垂固至公至信實

至人之憂勤惕勵必敬必誠如微臣者雖立心行事不  
敢自甘暴棄然數年以來所以少有進境者實惟  
聖訓之裁成而無他學問感切忻幸更有出於

恩光榮寵之外者捫心自審殊未敢稍有欺飾以上負

我

慈父也忠誠敬謹務期終身勉之當世奕禩竝非所敢

論計謹此繕摺恭謝

聖恩伏乞

聖主睿鑒臣謹

奏

覽卿奏謝矣

同日又

奏為奏

殊批諭旨

七

三

鄂爾泰

聞事竊臣巡視粵西行抵南寧府接據雲南布政使張  
允隨稟報雍正七年十一月十二日戌刻見一星  
從東方起色正黃其光熊熊煌煌竝不芒射較衆  
星獨明潤而大嗣後每夕見光色相同兵民共覩  
額手懽忭等因臣經諭令查明分野詳考典籍敬  
呈於

御賜臣古今圖書集成內確查詳核續據稟覆查得十  
一月十二等日歲星昏出躔度井木宿爲升殿屬  
雲貴川陝分野又查天官書云歲星一曰攝提曰  
重華曰應星曰紀星又云色光明潤君壽民富主

福主五穀又云星色赤黃而沈所居野大穰又云  
其色明而內黃天下安寧今按雲南所見星象方  
位正是歲星呈祥占爲人主仁德同天錫福無疆  
百姓安寧五穀豐稔實爲瑞應等情臣經告知廣  
西撫臣金鉞等據稱查天文考瑞星者五行中和  
王相喜合之所生也王者德至於天則見其星有  
五一日景星二曰周伯三曰含譽四曰格澤五曰  
歸邪唐時李淳風瑞星辨有云周伯赤色光潤或  
黃如橘按之滇省所見星出東方黃大而明潤無  
芒以其狀則與黃大如橘相合正係周伯瑞星不



得指爲木星等語該臣學識淺陋負慚管窺未有  
確見不敢妄擬但其色黃大明潤創見罕聞卽爲  
歲星亦實屬上瑞且臣自粵起程由黔旋滇一路  
雨暘應時風和氣暖遍閱郊原豆麥菜蕎茂盛非  
常而滇省春熟尤較往年加倍其蠶豆一種據農  
民親說可抵二三年收成小麥現已將獲早田俱  
已插秧是時和年豐已兆瑞應惟

一人之憂勤俾萬姓以樂利臣得親際其盛感激慶幸  
實莫可名言也再據張允隨詳報臨安府屬新平  
縣於雍正七年十二月二十一日慶雲再見歷午

未申三時臣雖未經

題明亦竝不敢隱匿在

聖天子精神上格德澤遐敷符驗自然盈寧永賴迄今  
八年無論文武官弁感奮圖報卽漢夷童叟皆激  
切輸誠此非臣之私言亦非臣所得而私言者  
天心可見人事宜修臣惟有時深敬畏以自勵自省已耳  
理合繕摺一併奏

聞伏乞

聖主睿鑒臣謹

奏

上天屢賜嘉應朕從前所頒諭旨實皆出於至誠肺腑之  
論不但可對天下臣民卽對

天地神明

聖祖者亦此意念實不敢自居亦不敢不居朕總不肯因  
此而稍存驕盈之念謂已治已安也惟盡一己之誠敬  
如時對

聖祖君父朝乾夕惕以仰邀

上天之慈佑鑒照耳然實賴卿等內外大臣一心一德協  
贊朕躬之不逮以利益蒼生也期共勉之

同日又

奏爲海口興王神龍示現事竊滇省爲山多水少之  
區水利尤宜調劑其無水者固須相度水源疏通  
灌溉而有水之地又慮沙漩水溢漲沒田禾查雲  
南府昆明池原需此以濟昆明呈貢晉寧昆陽等  
四州縣之田地但海口出水處旣已狹隘且衆水  
匯入之處又復沙隨水下以至壅塞泛溢而每年  
不無淹沒臣前檄令另開子河以分其勢現已告

成

奏報在案而海口尚有舊埂一條橫塞其中埂外有  
牛舌灘一箇又側而下有牛舌洲一箇此二

灘攔阻不能瀉洩以致田地被浸其舊埂淤泥尚  
易挑挖而牛舌灘牛舌洲從來未經議挖臣竊思  
畏難觀望則膏腴非民有罪實在官因先測量水  
勢海沿深八九尺近兩灘之水僅止九寸其不得  
條達暢流者勢使之然臣於去冬赴粵時將一埂  
二灘開挖工費切諭糧儲水利道黃士傑確估卽  
令其遴員料理今據黃士傑稟報奉委修河隨於  
正月二十四日率領在工人員雲南府同知臧珊  
等同至海口敬祀

龍神忽見白龍摩空全身俱現閃爍有光鱗角爪尾

無不畢露其色初黑後白起直北之鳳凰山昇東  
北之龍馬山約行五六里凌空而上觀者共驚奇  
異然猶以爲適逢其會不敢具報於二月十五日  
破土興工又臨海口虔備牲醴敬告

惠濟龍王忽見雲從海起風雨交作見白龍上升仿  
彿如前狀祭畢依然風和雨霽官民匠役濱海居  
民不下數千人無不驚奇欣慶竊思事關民命工  
係創興惟神有靈事必克濟此皆我

皇上乾德升聞神靈告瑞不敢壅於稟達等語到臣

謹念興工祀告之日而

龍神兩次顯形是實許可此舉將必默助成功隨批  
令致敬竭誠以襄厥事不可稍有懈忽以負神庥  
去訖續據黃士傑稟稱牛舌灘一座今已挖平至  
水面牛舌洲亦已挖去其半再得數日俱可挖平  
并於灘底挖出古錢數百文知此兩灘俱由沙泥  
壅滯日積月累而致原非生成不可開鑿等語臣  
復思此一灘一洲若僅與水平尚未能暢達必更  
深下三四尺方能通暢隨又飭令加工并俟灘洲  
完工後卽挑挖舊埂再查得水尾有石龍壩橫梗  
中流水必紆迴不能直下而石龍壩又斷難開鑿

臣已另買民田照值給價開築成河以便洩水統  
計月內俱可以報竣而四州縣或能涸出良田永  
利民生也除俟工竣另報外所有海口興王神靈  
告瑞及一埂二灘修挖緣由合先奏發其履就并  
聞伏乞 聖主睿鑒臣謹  
奏當哨對登却奔竄然不可不竄突只首以限  
以手加額覽之一日既六日齊改同營盤數集山樂

同日又 奏爲清水江苗業經勘定各寨畏服事竊照雞呼黨

奏數寨外雖投順內未傾心潛相勾結暗行窺伺臣  
屢次札囑軍前防範總兵蘇大有亦時刻戒嚴果  
於去冬十一月初六日夜近伺營盤遠集山梁雖  
當即搜逐登時奔竄然不可不窮究兇首以別頑  
聖上良經臣檄飭蘇大有嚴加懲創前已

聞奏報在案今雞呼黨於去冬十二月二十四二十六  
等日已將反覆者勦滅附和者招撫發兵凱旋往  
回四日事已大定正月三十日據總兵蘇大有稟  
稱查此番舉動實雞呼黨之計包辛安干州等爲  
之倡而東庫之新毛黨宜之黨東套天腊之計往

等爲之附和也因思計包辛曾經來營責之獻兇  
繳械賠榔三事未經回報待至十八日計包辛帶  
領小苗二十二人牛一隻以爲詰詰之用隨訊及  
三事朦混支吾堅不承認卽欲擒之復計首惡數  
十人若止獲一犯不足示警禍根未除且縱之去  
諭以此番詰詰須要正經頭人盟誓方可准信爾  
等速回務同安干州往包章噶打計等同來方無  
翻悔計包辛見兩次放回心粗膽大應聲願來隨  
密佈健兵聽號擒縛果見計包辛帶領安干州往  
包章養九金轉腮包長商噶打計及散苗老包竝

天腊寨之姑辛共三十頭人投見本職責其起事  
之由并責其何以匿兇藏械該苗抗言兇首不知  
誰何刀鎗留以護寨等語號令一起咸就擒縛當  
卽與陞任鎮遠府知府方顯及諸將等商同將首  
惡八名祭旗發兵隨撥派鎮遠協遊擊劉成龍帶  
領銅仁協守備韓生耀及千把兵丁八百名居左  
黃施營遊擊章奇相帶領天柱營守備皮袞及千  
把兵丁七百五十名居右安籠鎮標遊擊任龍帶  
領提標大定思南等協營千把兵丁七百五十名  
居中撫標中軍遊擊高岱帶領千把兵丁一千一

百名分撥彈壓公鷺柳羅以及子營堆子等處營  
盤分撥已定卽將首兇計包辛安干州等分交三  
將於十二月二十二日辰刻斬首祭旗發兵去後  
於二十六日據遊擊任龍劉成龍章奇相等飛報  
大捷劉成龍帶領弁兵從左路進據險扼要鎗弩  
齊發打死數苗搶獲大小鎗桿無數賊苗鬼師正  
在鳴鑼跳鬼被兵丁一鎗打死餘衆始潰狂奔守  
備韓生耀果敢爭先將一路馬椿伏弩盡行拔去  
一面追殺一面將賊所棄攔牌填平陷坑直殺至  
寨門喊聲震山右路章奇相一併殺到飭令守備

皮裘當先衝殺連放兩大礮打死數賊漫山奔潰  
中鎗著礮被刀帶箭跳崖滾箐者甚衆搶獲鐵盔  
標桿攔牌無數任龍從中路進三路一同圍住賊  
寨隨將大礮一齊開放該寨賊苗魂奪魄喪爬山  
滾箐而逃韓生耀當先砍寨而入千總康文玉等  
攻破前面爭先放火守備皮裘等衝破上寨火光  
燭天天腊黨宜東庫三寨之苗懼官兵乘破竹之  
勢一齊洗盡俱遙跪高山匍匐叫號稱爲雞呼黨  
逼脅原不敢生事今見天威再不敢作反再不敢  
違拗求開恩饒命隨諭以兇器盡繳首兇擒獻方

准招安今日且免殺明日來營聽諭當卽會同收  
兵查我兵被輕傷者五人俱不致礙命於二十五  
日五鼓奉令班師當於本日申刻還營等情到職  
表理合轉報至黨宜東庫天腊烏交鳩演農交甲等  
六寨先後俱央雞擺尾雞右柳利九算等寨爲之  
擔保業已共繳鎗八十六門刀一百三口標桿一  
百七十根弩八十二張鐵甲五領竝自願各罰牛  
隻重爲詰話尚有白索白汗及南江等處大小各  
寨俱在央請良寨爲之乞恩觀其情形甚誠且予  
招安等情臣看得清水江之雞呼黨等寨因昨歲

輕易招撫未會示以兵威苗性犬羊故復小有蠢動今經此一番勦洗加此一番佈置則兇頑破膽良懦自愈傾心且臣前過鎮遠時鎮將各官皆出迎請示而各寨苗頭俱倉皇隨行赴鎮投見情詞懇切立誓效順據此情形料可寧帖無事矣至其餘苗疆俱甚相安可以無慮合併陳明臣謹

奏

嘉悅覽焉朕為古州八萬之憂懷今日始少釋矣然善後事宜尤宜詳慎

同日又

奏為生苗勦定河路開通事竊臣為開通都江水道計必欲勦撫定旦來牛欲懾服定旦來牛必須粵兵兩路進攻且劃界設汛亦必黔粵文武公同踏看酌議故經調遣粵兵一路從柳慶進駐劄諸葛營一路從荔波縣進駐劄平宇江之上下兩路夾攻則用力省而成功速臣已

奏報在案二月初八日據副將趙文英等稟報定旦生苗阻截河道迭奉憲檄勢在必勦雍正八年正月十七八兩日粵副將潘紹周粵參將施善元次第齊集二十一日分兵左右兩路疾走都江將及



申時直上定旦後梁賊苗擊鼓放礮我兵奮勇先  
奪其土城礮鼓斬殺兇苗六人頑苗四山逃竄等  
情臣隨批諭定旦來牛惡衆必當窮搜嚴治以盡  
根株務使商賈輻輳漢夷樂利黔粵交通庶幾邊  
疆永寧倘今日之姑息卽異日之殘殺今日之草  
率卽異日之煩難若謂大局粗定卽應收拾只了  
目前不計久遠是卽欺罔心盜賊心人或以爲解  
事我實不敢負

恩其詳思而審處之等語諭令去訖十三日據趙文英  
等稟稱定旦苗民阿埃來營投順願歸原業卑職

等暫予招安仍令招回合寨砍椿剝諭又於是日  
通事帶領來牛之冷烏擺老粉柳怎岩擺烏羊邦  
羊翁擺鳩冷皆等寨苗民阿巴阿鳳等三十餘人  
請示招撫隨卽曉以利害諭以恩威據稱情願修  
路開江認納糧賦隨加獎勸以慰其心初二日有  
上至平宇下至都江沿河四十餘寨苗民齊集軍  
營砍款永作良民其定旦寨據阿埃止帶領老扛  
阿雖等四人先來其餘尚未同來砍款等情臣又  
嚴諭勦撫二字雖須竝用却是兩端不當撫卽勦  
不必勦卽撫未有非勦非撫希圖了事而終能濟

事者懲創安定事宜必須徹底籌辦毋許得半而止批令去訖續據報稱定旦餘孽盡逃生苗地方卑職等恐窮追藏匿愈深良頑不辨令通事傳諭若能擒獻首惡脅從者准予招安初六日據候補守備高本陽等率同寨比苗民拏解定旦首惡阿當到營卽將阿當斬首梟示從此各寨俱知定旦首惡罪不容誅其餘迫脅及不肯附和之領甕俾因等二十六寨央求通事赴營投順呈繳兇械認納錢糧各撫慰賞諭令其助工開路永作良善去訖等情臣竊思定旦已剿而諸葛營之車寨有水

田三十餘畝棉花地二十餘畝議在其地建城若不償其價值焉能使伊心服臣業經檄令查喚地主從厚給價該苗心悅誠服出具木刻認領則該寨志願已遂可無他虞矣臣更計與車寨相爲唇齒者尚有溶硿一處生苗地廣人衆爲黔粵門戶目下雖無阻梗情形不可不乘此軍威宣布

皇仁使之懷德畏威則車寨益無所恃而通盤大局庶臻寧謐隨檄軍前令一併料理據潘紹周張鉞慶遠府知府徐嘉賓等稟稱正欲帶兵前進溶硿而該寨苗民將所買兵米用船裝載送至諸葛營叩

見極其誠切隨獎賞去訖等情到臣此自柳慶至諸葛營定且寨之勦撫開路情形也其自廣西荔波縣以至平宇來牛所發官兵據粵副將董芳黔副將卜萬年獨山州知州孫紹武稟稱於二月初七日在三峒地方會合初八日自三峒起營有土把總白登科帶領附近來牛之楊甕楊邦二寨頭人黎阿包楊阿斗稟討招安察其情實卽令先行引路次日行至平宇九聖據險劄營該二寨又領楊翁霸飛等六寨頭人潘阿馬等迎接求撫隨動以開河之利懾以官兵之威俱傾心悅服而來牛

搖排搖曬等寨始終抗拒不出十二日據新撫之九聖楊甕楊邦等寨報稱有搖排搖曬革招革雄等寨因我等誠心向化開路搭橋隨集千餘山苗隔江放礮聲言欲洗我等各寨望大兵作主等情臣隨批示順者卽撫逆者定勦勦爲上撫次之先勦正所以爲撫地但撫恐終難免於勦卽應分別頑良速行勦撫若歸附者不能保護不但他寨裹足不前又何以服向化之心批諭去訖又於二十三日據董芳卜萬年稟報卑職等至隴寨對山劄營有來牛暨革招革雄搖排搖曬各寨頑苗數手

人始而壘劄兩岸繼而直犯大營卑職等以官兵  
爲正兵以土兵爲奇兵五路迎敵隨搗其巢穴該  
苗等從寨後山箐狼狽而逃奪獲火鎗長標環刀  
無數并獲牛羊猪隻分賞弁兵我兵俱獲安吉等  
情臣又密諭來牛首惡不可不除今羽翼旣剪乘  
其孤立速行進剿江南北衆寨專視來牛之向背  
爲從違來牛剿滅而旣伏者益專向化之志其觀  
望者亦絕猶豫之心凡事須得主腦則其餘易於  
收拾批諭去後續據報稱遵諭於二十一日率兵  
直抵來牛該苗尚敢截路抗拒卑職等鼓勵將士

奮勇衝殺直逼寨門除大礮打死竝墮江而死者  
不計外漢土官兵趕入深箐立斬首惡兇苗首級  
二顆盡毀巢穴羣苗無不畏懼南岸諸寨俱來就  
撫惟北岸革招革雄搖排搖曬等寨尚在阻截乘  
此兵威大振之時於二十七日移營北岸相機佈  
置是日趙文英施善元等領兵亦至北岸會合劄  
營一處卽同會議於二十八日帶領漢土官兵穿  
過已服之擺常寨分路直入攀援而上竟抵革招  
賊巢賊苗驚逃我兵四路搜殺有歸順各寨苗民  
恨其素惡焚搗其巢職等乘勢進剿搖排搖曬等

寨其革雄一寨係革招迫脅曾將通事護送還營故特宥之因天雨收兵俟晴霽窮搜等情又據董芳等稟報有通事帶領俾爽大小二寨革雄三寨柳磔平甲柳排牌告小腦千家甲雄共十二寨頭人到營投撫認糧隨諭以官兵進來開這河道上通雲貴下達廣西使客商往來原是利益你們不是要你田地錢糧爾等既然自己情願納糧亦不拘多少以後務要解釋仇怨開修道路保護江河拒絕山苗便得長享利益各苗俱歡喜叩頭割具木刻領示而去隨派黔兵開修上江一帶道路護

軍運糧粵兵往三峒一路安臺護運荔波一帶軍糧又派黔粵官兵前往來牛後山砍伐荆棘放火焚燒以絕姦宄以便往來又撥兵開修擺常路徑以便大兵前進搜緝餘黨等情此來牛等處勦撫開路之情形也臣查古州一處東自黎平西抵都勻計程五百餘里北自清江南抵粵西荔波計程七百餘里必得四通八達聲息相聞在在無阻然後可保永寧至都江水道古州至來牛江水平潤間有小灘稍爲修鑿已可通行來牛以上至獨山州屬之爛土司舟雖現在可行尚有數處灘石應

鑿其陸路自古州至定旦俱屬坦平自定旦至來牛雖經開挖尚須修整來牛至爛土司尚未開成大道一俟餘孽盡除即可漸次就緒但新闢苗地沿江一帶非重兵不足以彈壓查黔粵各營俱無可抽調相應懇祈

聖恩准於通黔粵河路安設一營添兵一千名分佈塘汛俟二三年後諸如內地然後再議酌減庶於新疆有益除俟兩省文武各員將分疆設汛等事會勘議詳到日另疏題請外所有勤撫開通各情形合先繕摺具

許生苗地界理應增添兵弁者萬不可惜小費而致貽後悔如果訓導苗頑俾兇愚之性如內地人民各知禮聖主睿鑒再此番調遣粵西官兵鼓舞奮勇出力尤多讓法度比時再加抽減未為不可也遵旨行

奏

覽

同日又

奏為請酌添養廉以廣

皇仁以勵官方事竊惟朝廷設官分職即末秩亦重考成而臣子效力宣勞惟苗疆尤資條理臣巡視粵西親飭僚屬見各屬

首領佐雜等職多能隨分自矢黽勉奉公其流官  
佐貳協辦土司事務并有專責最爲緊要二者向  
無給與養廉之例官微祿薄日用維艱一至奉差  
尤難措辦在有志上進者雖守清操不無隱忍其  
不肖流輩顧慮身家或則指稱公事射利病民或  
則勾通土司害苗生釁均未可定所當預防而早  
爲之所也臣仰體

聖主優恤臣下之至意常俸之外遍給養廉實從來所  
未有茲首領雜職暨漢土司州佐等官應請一視  
同仁量予養廉以示鼓勵至粵西撫司道員已有

奏成例復蒙  
皇上添賞銀共九千兩

天恩優渥無庸再議惟左右江二道現給銀一千六百  
兩計一切費用尚屬不敷應請照蒼梧道之例再  
奏加銀八百兩則支度從容其餘府廳州縣或以現  
聖主在添設之員未定養廉或其中多寡未盡均調臣  
奏查閱地方與撫臣金鉷悉心酌議統計應添之數  
共計萬九千七百五十兩倘蒙

俞允於潯梧內廠稅羨項下尚可支給自雍正八年爲  
始照新定之額給發永以爲例則公私兩便大小





正極相敬重亦深信服就不過行不去耳現在操守竝未少有染指但器局畫出伊形像矣瑣屑意念游移可以辦細務而不足以當大事是則其短臣不敢為之諱至於一切錢糧雖係撫臣專政原屬臣所兼理本無嫌可避亦何敢少有疎虞獨以臣衙門事務實數倍於撫臣若得盡心協力不因臣總理而有所諉卸庶事益周詳而可免遺漏以故於離省赴粵時面同司道諄切言之復經附陳上瀆臣聖聽也理合覆奏伏乞

聖主睿鑒臣謹

奏

覽

雍正八年四月二十日雲貴廣西總督臣鄂爾泰

奏

奏為土司納課野夷輸誠事竊雲南孟連土司地方逼近永昌屬隸緬國其俗慄悍好劫自古不通中國本

朝開滇以後該土司仍不服提調未經授職每年止上差發銀四十八兩交永昌府轉解此外一切公

事卽奉牌諭亦竝不遵照歷久相安業視爲成例  
昨歲臣檄該府清查邊界據該土司刀派鼎申稱  
孟連一隅極處邊末內屏中夏外捍野夷山高箐  
密民無恒產惟賴募迺銀廠以爲用度故自前明  
以來世世相承未曾貢賦今

聖天子在御萬國來朝且孟連地方數年以來仰賴  
皇上洪福安享太平年年豐稔情願自雍正七年爲始  
每年納廠課銀六百兩以克兵餉等情臣查邊遠  
酋長惟應律以恭順原不必科其錢糧但土夷重  
財卽所以重禮若無此須上納轉難以示羈縻隨

經批准令其按年交解茲於雍正八年三月初五  
日據布政司驗報孟連土司刀派鼎所認納七年  
分廠課銀六百兩業經解司兌收除應會疏報明  
外合先

奏明又鶴慶府屬維西邊外有怒江三道過江十餘  
日路有野夷一種名慾子劫殺搶掠久居化外新  
設維西通判陳權約束撫綏頗有條理慾子等羣  
生感激相率來維將麂皮二十張山驢皮十張麻  
布三十疋黃蠟八十觔煩通事稟請願將此土產

聖旨作賦永隸

殊批諭旨

七

五

鄂爾泰

聖朝該通判加以勸諭令將土產帶回而衆愬子各交頸環叩誓願將前項土產著爲年例以表傾心情甚懇切該通判始准收存薄示獎賞具報前來臣查愬子內向願納土產事雖微細意頗諄誠隨經批司准其交納該通判變價交司存公竝於奏銷錢糧文尾敘明不入額款其每年交納之時賞給鹽三百觔以爲犒勞業已存案訖合併奏

聞伏乞

聖主睿鑒臣謹

奏

覽

同日又

奏爲遵

旨酌覆事竊粵西撫臣金鉷敬陳倉穀一摺荷蒙硃批總與鄂爾泰商酌行之欽此錄示到臣臣查粵西通省積貯常平社倉及捐穀三項合計共一百五十三萬餘石撫臣金鉷擬共留貯穀一百六七萬石所餘穀四十五六萬石槩請糶賣克餉伊爲粵西一省計自屬可行但據臣愚見身任封疆須合隣省而通算盈絀不應就本省而獨籌多寡蓋凡

事有備則無患交濟斯有功天時豐歉不齊人事  
總可補救卽如廣東一省務末而賤農者多故仰  
食而販買者衆歲卽豐收而乞糴於西省者猶不  
下一二百萬石是西省之饒餘實以資東省之缺  
乏也又如湖廣全省向爲東南諸省所仰賴諺所  
謂湖廣熟天下足者誠以米旣充裕水又通流之  
故而昨歲楚省歉收吳省豐稔江南之米且轉運  
濟荆南是湖廣之熟猶未可全恃矣粵西界連衡  
永溯湘江而直達長沙倘有所需粵未嘗不可以  
濟楚也又如雲南一省山多田少水路不通大潦

猶可望半收小旱則難籌一策漚到滇時具悉從  
前米價竟有每石貴至十兩十五兩者縱使隣有  
餘粟無從接濟是以臣立意開濬通粵河道務俾  
舟楫來往以爲緩急之資原非僅爲商賈貨貲計  
也且粵之柳慶二府與黔之都黎二府接壤今都  
江開通無悍苗阻截將來粵舟直可以抵黔是粵  
省縱有餘粟未始不可濟滇省竝以備黔省也臣  
通盤核算所貯一百五十餘萬石穀止得米七十  
餘萬石固不爲過多似無庸變價況卽以變價論  
計四十五六萬石穀每石約價三錢並下不過易

銀十四五萬兩與其貯銀何若積穀緣需用銀時  
每石穀總可得三錢上下之價原無異於貯銀若  
需買穀時恐三錢上下之價斷不能得一石穀適  
所以費帑矣又據云不通水路之處不能接濟隣  
封脚費比米價多至兩倍萬難出糶擬減十分之  
七或十之二三其南太梧州平五府及宣化崇善  
二縣酌請加增存貯等語臣查哀多益寡權有通  
無倉儲之要計係屬應行但以不通水路糶費倍  
多之州縣不能接濟隣封之故始擬酌減存留是  
通水路各屬之穀原可以資接濟自不須議減而

南太等府縣應加增存貯之穀勢必仍令不通水  
路之州縣撥運則所需脚費諒亦不能太輕而添  
蓋倉廩等費又爲所急需若統於糶出三錢上下  
穀價內開銷似不若俟歉薄之歲價值昂貴之時  
此論是當之處不可言論先期撥穀臨時定價既可無誤接濟竝亦可資運  
天地神明必鑒之矣籌此件臣當再與金鉷妥酌通變行之其桂林一  
府爲省會重地兵民商賈輻輳雲集食指浩繁且  
與柳州爲左右臂原存穀數竝不爲多今議府縣  
兩倉止貯穀六萬石減去五萬三千石是止實貯  
米三萬石非所以重省會也據臣所慮必不可行

天

地

神明必鑒之矣

至以徽浥折耗損物累官爲慮臣思存七糶三出  
陳易新立法固已盡善而調劑在人其有虧空者  
半係官吏侵那其致徽浥者多因倉廩滲漏典守  
之責叅處何辭若止於頂面氣頭及積久因陳稍  
有蟲蛀等項則情有可原不難設法彌補是惟在  
諸大吏秉公執法就事察情但能一視不偏自可  
相安無怨其多貯穀之各府州縣雖曬晾出納盤  
運交代之際原不無折累然籌大益者自不惜小  
損計長久者定不徇目前臣愚以爲粵西倉穀只  
應隨時騰是極那似未便易價減少者也緣係奉

旨酌行事理除將臣所見備細札商撫臣金鉞外謹繕  
摺覆

奏伏乞

聖主睿鑒

批示遵行臣謹

奏

覽

同日又

奏爲奏

聞事竊照匪類一案前據廣西右江總兵官蔡成貴泗

聞津城府知府祖良範呈稟泗城武舉岑映翰首擒李  
天保等并起有偽劄經臣一面檄行按察司移會  
該鎮并轉檄該府公同嚴訊務期究盡根株并查  
與廣東匪類是否一起一面密檄滇粵二省地方  
文武嚴加訪緝業經

奏報在案續據蔡成貴祖良範等先後呈稟稱案犯  
黃結勞有功已自投首又獲王士忠卽黃士忠韋  
宋等公同嚴訊審得李天保一人四名遊手無賴  
借符水行醫詭騙銀錢勾結匪黨搜得邪書等項  
俱經起解等情又據雲南廣南府營申報據土富

州報稱奉廣西右江鎮牌密拏受劄匪類黃玘兆  
隨經拏獲黃起平供有蔣先生散劄復獲蔣先生  
趙大哥黃國雄羅老四等共五犯解赴右江鎮去  
訖等情此廣西匪類一案也至於東省所獲匪類  
臣差人探聽係李梅陳京眷區世義梁宗傑胡伯  
楊等訛騙鄉民捏造謠言有溫亞七首發陸續拏  
獲各犯經督臣郝玉麟飭發會勘指稱文姓在陝  
西有兵馬從廣西而來之語統屬虛捏原無謀逆  
情狀但黨類實繁現在查拏等情又據梧州府知  
府袁璣稟報探得東省督標把總王泰於正月二

十九日在新會縣之甕洞地方拏獲散劄匪首李梅解赴總督隨發收審等情此廣東匪類一案也臣查此等姦匪或以堪輿賣藥周遊隣省或以念咒書符搖惑愚氓始以挖掘金銀爲招致之術繼以禳解瘟疫爲訛騙之方捏造異言散布僞劄姓則時李時張名則有三有四如鬼如蜮假瘋假癡蓋自元二年已遂有此事向因地方官竝不實力察究一經事犯或匿不具報又或據實具報而上司反加呵斥以爲好事以爲不解事隨亦互相隱諱草率完結以致各匪類竝無忌憚反自以爲得

計而爲其所愚惑者且將以爲可恃而可信誰貽之禍實厲之階殊不思姦徒匪黨雖

盛世不能絕無然何術不可以愚人而必假僞號何計不可以騙錢而必造僞劄僞號僞劄俱可以不聖臨究則更有何事應究者況不忍於二三匪類致令並百千愚民被其哄動至蹈法網是恩是害孰重孰輕於匪類欲故示寬容於國家亦有伺忠愛害人心壞風俗而不之恤且以爲養身謀豈不竟同於匪類而自安狂悖者哉臣言念及此實切痛恨前在粵西已明切開示及至回滇



又屢經札囑茲奉到臣前  
奏報匪類不摺荷蒙  
硃批此等匪類之爲害甚於賊盜當不時留心訪察者  
此案宜竭力嚴究審擬可傳諭金鉞等不可存恐其  
拖累之小見草率將就完結也欽此臣隨復敬錄  
聖訓傳諭金鉞等去訖伏查廣東匪類另爲一案應聽  
該督撫審結廣西一案業已擒獲多人錄供解省  
到日臣意除實在無干供扳牽連人犯應行省釋  
外首惡匪黨定正法梟示其雖無同謀而知情夥

是

當擬

從者俱應處死其雖非夥從而知情買劄者俱應  
分別發遣至竝無知情僞造亦竝無夥從詐騙但

出銀收劄以圖免禍人犯雖情似可原然其中良

頑不一亦應乘此審驗約束安插總之既係匪類

縱過嚴亦不爲殘而統計或轉爲惠草率將就臣

等斷不敢存此小見也再泗城府武舉岑映翰感

聖恩實切圖報荷奉

硃批岑映翰可嘉之至賜給千金以示鼓勵度其人才

可以如何加恩處奏朕知之欽此臣隨知會撫臣金

銜并行布政司酌動款項著宣

旨賞給千金至其人才似止可勝守備或

命臣於廣西雲南省酌量請補或准給咨赴部引

擬缺題補送部引見  
見相應候

旨遵行又岑映翰之胞弟貢生岑映奎頗有才幹亦思

上進或邀

聖恩賞於內省甚好以州同縣丞等官錄用亦可以示鼓勵

竝示羈縻理合一併奏

聞伏乞

聖主睿鑒施行臣謹

奏

覽

雍正八年五月二十六日雲貴廣西總督臣鄂爾

泰謹

奏為地湧滷泉民需

膏澤事竊照雍正八年四月初一日據黑井提舉司安

鼎和詳稱黑井五馬橋西岸河畔沙石地上於本

年正月初一日忽湧沙滷一區隨行掘浚流而不

竭報經鹽道差人查驗可以成井兼汲煎試看俱

可成鹽已奉鹽道發銀到井卑職協同吏目孫復

鳩工開挖已見黃泥本土實係鹽滷正源水味醲鹹晝夜不息人民驚異共慶嘉祥現在督修井臺俟煎辦成效再請定額合先詳報等情到臣臣查雲南各井以黑井爲最所出之鹽行銷亦廣今五馬橋畔以從無滷脈之地忽湧此泉其味醲鹹其水旺盛就現在試煎數目合算一年應出鹽觔不下一百萬將來可另成一井於

國課民食皆甚有裨益但滷水之濃淡冬夏各殊柴薪之遠近運費不一是應發薪本應賣鹽價以及出鹽額數行銷地方俱難以預定而所當熟籌隨

批行查議去後今據布政司張允隨鹽道馮光裕會詳請俟年底較定鹽額多寡滷味濃淡量其所費薪本定議請

題等語臣已准令飭行該提舉督率竈戶預領薪本將新出滷水按日儘數汲出竭力煎辦發運行銷將賣獲鹽價除薪本脚價外餘照數歸公暫作贏餘具報統俟年底按實查明共煎出鹽若干運銷若干可定額數若干應給薪本若干再行會題請旨著爲成例所有具報黑井地湧滷泉緣由合先繕摺

奏

聞伏乞

聖主睿鑒臣謹

奏

大好事也題到有旨

同日又

奏爲開鑿河道以利民生事竊照雲南尋甸州之宣  
甸二里宣化七里之歸龍寺果馬里十甲之潘所  
海子乞曲里之五里箐四處水利俱已修濬完竣  
前經臣

奏明在案復查得海子屯大河接連尋川河係滙嵩

明尋甸兩州之水每至五六月間雨水洶至漲漫  
洋溢加以馬龍一州之水會於七星橋下衝激尋  
河之水逆流泛濫滿於城南平川之內不惟可耕  
之地盡棄爲水宅卽沿山四隅成熟之田亦歲被  
湮沒歷來無策捍禦臣細加博訪知尋川河之湮  
沒實由於馬龍河之山高勢急衝激尋水倒行逆  
流不得暢瀉之故欲治尋河使不逆流莫若使馬  
龍河不爭水道欲使馬龍河不爭水道莫若使尋  
河泛濫之水另開一河彼此不相衝激則順勢安  
流可以暢瀉而無阻查該處木龍村後名曰後海

係泛濫之水蓄聚之區海前橫隔山梁鑿之使成  
子河則泛濫之水從後海東流入於尋河之下稍  
與馬龍河分道別流可以無憂漲溢復經詳諭該  
州知州崔乃鏞令於秋後覆勘作速興修毋得畏  
難避怨務期成功去後茲據崔乃鏞詳稱卑職遵  
諭卽親往相度地勢自木龍村後開鑿河口起至  
橋頭村大河口入於下流止共丈量得七百四十  
餘丈中間堅硬頑石計有一百四十二丈高三丈  
二丈不等於雍正七年七月擇吉致祭十月初二  
日鳩衆興工卑職親身調度指畫督率盡力開挖

至今年正月二十五日業將河形挖開中間石梁  
鑿通計新開河口寬三丈二丈不等河底寬丈餘  
二丈不等儘可洩後海之水歸於下流不復致泛  
溢請委員勘驗計垂永久再宣甸兩里現在耕種  
之田較之水淹荒田僅有十分之三今尋川兩岸  
涸出田地計可增二萬餘畝可否將涸出田畝以  
密半賞給出夫應役人等并各效力士民暨設立  
水利頭人領種納糧其一半令附近居民酌量納  
價領田永爲己業統俟秋成後另行丈勘造冊申  
報等情臣已批准并行布政司會同糧道委員勘

驗定議通詳在案謹按水利之興廢實關民生之休戚屬在滇南尤爲要務臣不自揣欲將東西兩迤凡有可興之水利逐處興修此二年以來勤訪密查不遺餘力除現在省城六河昆明海口并迤東諸府所屬一切河渠閘壩各項疏濬開築已粗有頭緒其餘迤西各屬有已經查勘者有未經查報者務期確知以便委辦在舉事之始雖不無所費然皆臣力所能嗣後則有涸出田地竝丈出田地應行變價銀兩現核數目已約有數萬卽以此項辦此事總屬有餘斷無不足是以臣屢蒙

恩諭恐力有不能令請動正項而竝不敢請動正項亦不敢請動贏餘也獨是導水濬河務期一勞永逸暫行補救易長籌通利難就事治事易以人治人難臣愚擬俟各工報竣卽備細彙敘具本

題明請於道員廳員竝佐雜官員內分別河道遠近酌量改銜兼銜令總理分理各屬水利再酌留歲修銀兩分定勤惰考成立季報月報之條著具詳具結之例其督撫藩司仍應將要緊河道分派著落令不時勘修俾於總管之外又各有專責庶現在各屬員役不敢怠忽從事卽後來大小官吏亦

不致因循竝無可諉卸或於邊方水利實有裨益  
合併附陳伏乞

聖主睿鑒臣謹

奏

可謂大功德代朕造福利益蒼生永霑惠澤事也

同日又

奏為覆

奏事雍正八年五月二十日奉到

硃諭元展成前奏陳伊父年七旬之外情辭甚為可憫  
則不便留此任矣卿可將原缺亦皆酌量擬員奏聞

欽此臣看得廣西布政司元展成心地坦白才具  
通達亦有肝膽能求理義自調粵以來金銜甚與  
和衷僚屬皆相傾信現在一切事務已將少有頭

緒今蒙

聖恩念伊父年老不便留此任令將原缺擬奏此誠  
天地父母之心凡屬臣子皆應感激思奮者臣何敢異  
議但念廣西藩任在今日尤關緊要緣初欲清釐  
尚少條理若遽易其人未免轉緩其事況元展成  
由州牧微員叨荷宵旰夙夜匪懈日昃忘食亦何  
殊恩數年之間拔置臬司旋補授布政文事不成寸長

奏恩未效若遂顧戀私情欲移近地其父若賢者必將責以大義斥爲不肖子元展成卽日侍左右亦何以自處且聞伊父雖年逾七旬精神健旺步履如常卽遲一二年待公事粗畢替代有人然後或請天恩歸省或圖迎養此不必兼顧而適所以兩全也至聖恩於藩任原缺據臣所知現在難得其人如雲南按察司常安操守清介辦事甚勤雖器局微小然明白詳慎可勝藩司之任但金銜甚與不和難以共事如貴州前任按察司徐本明晰安詳兼有見地此員似可勝粵藩現已奉天恩如小此賦白木具

旨調補江蘇此外臬司各道雖各有所長克盡職守然求其可勝藩任竝與粵藩任人地相宜則尚須觀其後效臣未敢驟許其能相應懇祈

聖恩或

特簡賢能補授廣西布政再令元展成去任或將元展成仍留此任俟諸事畧有條理於今冬明春暫行委署准伊赴京引見俾得就近省親竝酌迎養庶久任可望成功而暫離亦得伸下悃矣是否有當伏乞

聖主睿鑒施行臣謹

硃批諭旨

七

七

鄂爾泰



聖奏

所論甚是但朕於此等處實有所不忍卿可將朕意與卿之論詢問元展成必使伊得遂其情而朕心始安也或令暫來引見就便見伊老親之處與伊商酌奏聞若往返不致曠日愈妙

同日又

奏爲恭報滇黔二省豆麥收成分數仰祈

睿鑒事竊臣從粵西由黔回滇目擊沿途所種豆麥各項茂盛倍常豐收可卜經檄行各布政司分析查報去後今據雲南布政司張允隨詳報除石屏碧

峩師宗元江騰越新平景東等府州縣具報不產豆麥外昆明安寧祿豐呈貢嵩明霑益尋甸宣威建水河西寧州通海開化鎮沅恩樂廣南普洱威遠浪穹鄧川永北太和雲龍雲南保山永平蒙化劍川廣通定遠鎮南南安順寧雲州姚州大姚和曲烏蒙鎮雄永善等四十府州縣豆收俱有十分麥收尚不止十分晉寧易門富民羅次羅平馬龍南寧平夷廣西蒙自新興江川賓州趙州鶴慶麗江楚雄等十七府州縣豆收實有九分麥收實有十分昆陽彌勒陸涼宜良阿迷河陽路南祿勸元

謀會澤等十州縣豆收實有八分麥收實有九分  
等情據貴州布政司鄂彌達詳報民間布種豆麥  
雜糧等項貴陽貴筑貴定龍里安順鎮寧永寧普  
定清鎮南籠永豐桐梓平越府平越縣黃平思南  
思州青溪大定平遠黔西等二十一府州縣俱係  
十分收成定番廣順開州修文安平普安州普安  
縣安南遵義府遵義縣正安綏陽仁懷餘慶甕安  
湄潭都勻府都勻縣獨山麻哈清平鎮遠府鎮遠  
縣施秉安化印江婺川石阡龍泉玉屏銅仁府銅  
仁縣黎平永從天柱錦屏開泰威寧畢節等三十

九府州縣俱有九分收成至於蠶豆豌豆尤肥大  
異常等情各到臣伏查滇黔兩省自春入夏雨澤  
霑足是以豆麥雜糧俱獲豐稔雖雲南省城於四  
月十七日酉戌之交二十二日自亥正至子初暴  
雨如注山水陡發東北鄉淺薄堤岸衝決數處幸  
奏俱於次日旋即雨歇兼因小麥已八九登場秧苗  
半未栽插故不至為患臣立即親勘委員補築現  
在高低田畝業已遍栽禾苗青葱盈尺仰賴

聖恩或可羣望有秋也貴州廣西自四月中旬後亦雨  
水稍多然俱無損春熟而有益秋成除廣西春熟

分數俟呈覆到日另行  
奏報外所有雲貴三省豆麥豐收分數合先奏

聞伏乞高天田  
聖主睿鑒 謹

奏

實慰朕念

雍正八年七月二十四日雲貴廣西總督臣鄂爾

泰謹

奏為欽遵

諭旨斟酌陳覆事案准吏部咨開廣東道試監察御史

高山奏前事奉

旨通行直省實力奉行粘單一紙移咨到臣當經移行

三省欽遵在案竊照馭吏不嚴定滋蠹弊外緣不

絕終難肅清高山所稱外班住省及更換迭克借

厨役水火夫之出入以暗通關節招搖撞騙事所

必有實屬切中在臣所轄三省雖屢經察禁現據

督撫等衙門各吏上班時止帶水火夫二三名竝

無厨役跟進一經入署原不許出入所需食物係

將支領工食銀兩給令轅役代買轉接送入竝無

親戚子弟潛匿住省亦從無外班之名然日久懈

生猶應不時申飭惟是督撫藩臬衙門上班書吏俱令一年更換因地審宜似尚有未便臣本擬備悉詳查務使三省畫一可以永遠遵照再行奏明適廣西調任布政使張元懷以勢有難行摺奏奉

旨如秉公權宜可與督撫斟酌地方情形而爲之欽此將摺鈔示到臣查雲貴廣西三省雖地方各異而情形畧同所有各衙門書吏不獨愚鈍粗疎半不解事而文義之悖謬字跡之錯訛亦殊屬罕見緣能幹者不多故巧詐者亦少較諸江浙等省之猾

吏姦胥實大有間是以臣衙門滇吏向係一季一換黔吏因係隔省向俱半年一換惟粵吏撥自廣東其中不無姦猾因無班可換仍暫時留用三省巡撫及滇粵臬司衙門亦俱一季一換獨黔省藩臬衙門向係一兩月換班不等雖因從前事簡殊非防閑之意至滇粵兩藩司衙門政務叢雜冊籍繁多向來書吏竝不分班次一切查算書寫俱係同房合辦然不換班者終年在署於所承辦事件猶多遲悞兼且糊塗其換班者每至上班時諸務茫然了無頭緒一經查問則直認邊愚此督撫藩

臬各衙門皆然固不勝責革竝無能教誨者也今若俱令一年更換在上班者經年在署家計縈心不免內顧且爲日旣久婚喪疾病等事仍不得不給假放歸其下班者經年在家勢難坐守或就近營生或他出貿易及至該班時將文移愈益生疎案件更多遺忘此又可以預料者是一年換班之例就三省論實均有不便也至於藩司責任係出納總匯甄別攸關實較臬司爲尤重衙門封鎖自應一體遵行雖據張元懷摺奏意恐兩次開門例須按時封鎖批解錢糧不能隨到全收支領兵餉

不能卽日全放及一切事務或不免稽遲殊不知國家定例凡以防弊原不妨公未有公事未畢卽行封門之理亦未有公務旣集仍不開門之理但無私曲何礙料理據臣愚見三省督撫臬司及黔藩司各衙門書吏斟酌合宜俱請半年一換滇粵兩藩書吏雖難議換班然統應關防不得任其出入三省藩署俱照例封鎖准其遇事隨開事完卽閉庶稱妥便是否有當恭候聖批示遵行抑臣更有陳者大凡胥役作姦多半串通幕友而幕友弄弊定須勾結家人操縱惟視本官把

柄不在書吏如果本官勤明事事親理寬嚴有制  
賞罰不撓是卽內戶洞開亦原無徑可入設使本  
官昏惰一應委代事理不知准駁聽便將無論下  
賤書吏固惟利是圖便伊親戚子弟俱或敗乃事  
而遂已私是卽重門深鎖亦實有線可通況封門  
不過半日兩次開門時何紙不可夾遞正門尚有  
瞻顧各署率有便門何事不可暗投物必先腐也  
而後蟲生之未有勤明之官濟以嚴正而吏敢舞  
文不惜身命者臣願與天下大吏務先反躬責已  
然後執法繩人庶於我

皇上澄清吏治之盛心或能仰副萬一乎合併具陳伏

聖主睿鑒臣謹

奏

交部鈔錄俟直省議覆俱到時一併議奏有旨

同日又

奏爲請

旨事竊照黔省邊界向爲生苗所踞前已開通經臣請  
於古州設立重鎮八寨清水江丹江等處添設協  
營分布官兵駐防彈壓奉

硃批諭旨

七

庚

鄂爾泰

旨俞允遵行在案但新設弁兵多係內地協營抽撥移  
駐而所添新兵亦係內地招募撥往雖道路遠近  
不等而搬移家口等項需費則均查從前雲南省  
移駐維西弁兵及撥往烏蒙鎮雄弁兵因係邊遠  
夷疆俱蒙

聖恩特加賞賚得以寬裕足用今黔省移撥弁兵皆係  
新闢苗地諸未就緒物力艱難搬移路費似可引

聖恩照滇例相應仰懇

聖慈特頒

恩旨著量酌量遠近分別給賞則新疆弁兵不致拮据

而益思奮勵矣再定且來牛一帶生苗接連粵境  
阻截江河現已勦撫開通不下五六百里止有兇  
頑數寨尚須嚴懲俟事竣定議即當繕疏請

旨安營設汛以資防範巡查所有應添弁兵搬移路費  
亦應一視同仁合併聲明具

奏伏乞 聖主睿鑒施行謹

奏

是另有旨諭頒發

奏同日又

硃批諭旨

七

七

鄂爾泰

奏爲奏

聞事竊照古州三保地方貼近諸葛大營而車寨尤逼處營側營基舊爲伊土今旣就地建營豈遂帖服況撫臣張廣泗前往招撫時原止結以恩惠竝未示以兵威苗性犬羊何知信義爲久長計臣竝不能安枕去歲在黔時曾面囑張廣泗謂必當相機勦除以圖善後續回滇後又經切札告之據覆車寨恭順已如內地實可以放心及臣因公赴粵調遣粵兵時名爲疏通河道原爲古州車寨計曾密諭副將趙文英令於粵兵到日聲言會勦定日空

城而出營內止留兵二三百名故示單弱却將黔粵官兵暗行埋伏以覘動靜俟其反覆卽回兵嚴勦先除此腹心之患則定日來牛或竝可傳檄而定時臣此諭原未札知撫臣而趙文英接諭隨一面稟商撫臣一面覆稟稱實係恭順祈免加兵旋據張廣泗來札亦以爲詞臣答云愚非好殺人者人所共信但恐今日不殺少日後將殺多反是罪過耳如果恭順何須加兵其餘不恭順者則無可姑息此臣從前札諭之節要也查上江之要隘在來牛下江之咽喉在溶碕諸葛營在中權以扼首



尾慶遠荔波在兩頭以作關鍵形勢所在應計通盤其溶碕一帶雖現無違抗然係粵要路務當妥籌又滾裏七寨前曾肆惡亦須大施創若一處或縱兇頑將諸務皆有阻礙利害不在目下功過自有

聖鑒復經切札撫臣并嚴諭軍前文武去訖續據文武稟報自來牛回營後商議布置滾裏等處五月初八日據巡兵稟稱寨頭地方見殺死一人又挑鹽一人被苗子殺死鹽皆搶去初九日又據土司弓兵被寨頭寨苗子用刀砍破籐帽背戳一鎗又見

口寨月寨寨頭藏弩苗人隱於樹間擊鼓初十日又據報殺死挑麻客民一人十四日又報殺死種菜客民二人職等通行嚴查惟車寨前來洗白其餘等寨俱不曾來職等奉令規中下二保誠僞今果露反覆會議必勦復據八匡把總徐祺生密稟寨頭藏弩約口月二寨勾結山苗要來作反約定先奪八匡冲合寨良苗驚慌逃散等語職等即於十四日飛備船隻搭造浮橋分兵三路施善元帶領守備四員兵一千三百名先往永鎮關駐劄邀截寨麻一路多伏疑兵拒截四路附和約於次日

尾慶遠荔波在兩頭以作關鍵形勢所在應計通盤其溶硿一帶雖現無違抗然係通粵要路務當妥籌又滾裏七寨前曾肆惡亦須大施懲創若一處或縱兇頑將諸務皆有阻礙利害不在目前功過自有

聖鑒復經切札撫臣井嚴諭軍前文武去訖續據文武稟報自來牛回營後商議布置滾裏等處五月初八日據巡兵稟稱寨頭地方見殺死一人又挑鹽一人被苗子殺死鹽皆搶去初九日又據土司弓兵被寨頭寨苗子用刀砍破籐帽背戳一鎗又見

口寨月寨寨頭藏弩苗人隱於樹間擊鼓初十日又據報殺死挑麻客民一人十四日又報殺死種菜客民二人職等遍行嚴查惟車寨前來洗白其餘等寨俱不曾來職等奉令覘中下二保誠僞今果露反覆會議必勦復據八匡把總徐祺生密稟寨頭藏弩約口月二寨勾結山苗要來作反約定先奪八匡沖合寨良苗驚慌逃散等語職等卽於十四日飛備船隻搭造浮橋分兵三路施善元帶領守備四員兵一千三百名先往永鎮關駐劄邀截寨麻一路多伏疑兵拒截四路附和約於次日

聽放號礮從右路進攻趙文英潘紹周帶領遊擊向之榮守備四員兵丁一千一百名渡過浮橋由車寨後山會合永鎮關之兵夾攻口月寨頭藏弩江墨田墨六寨遊擊史應貴帶兵二百名於八孖河口大張旗幟牽制兇苗使不敢襲我兵之後其諸葛老營臬司張鉞知府徐嘉賓同知滕文炯率同守備鄧文選統領官兵九百名駐劄防守又撥遊擊馬世祿帶領官兵五百一十名防守卧龍崗大營竝於蜡山寨後山分兵堵防高文高武各處山苗於十五日五鼓前進兇苗竟敢擂鼓聚眾吶

喊放鎗前來抵敵我兵連放靖蠻大礮鎗礮交加自卯至酉打殺多人生擒男婦五十餘人所獲盔甲鎗礮環刀馬牛等無數另冊詳報我兵陣亡馬兵一名土兵一名馬步兵丁輕傷者六名十六日復行搜捕河東一路趙文英潘紹周帶領遊守兵丁一千一百餘員名河西一路施善元率同遊守兵丁一千三百餘員名一面搜擒一面砍伐樹木以去藏姦之藪隨據土舍楊茂枝帶領口月田墨等寨老苗跪路哀求職等察其情形無可逞兇勒令獻兇繳械方宥其老幼去訖十七十八兩日據

江墨等六寨苗人咸跪營門稟稱各寨爲惡者大半已被誅戮其逃躲者不敢回寨願請招安俟回寨一縛獻從今器械不敢藏留一件等語本司張鉞等諄切曉以利害指以生死隨發令箭十枝准予招安等情臣隨札囑撫臣并飛諭軍前古州三保旣未示以軍威亦未曉以法紀寸鐵未繳一人不殺而驟望其寧帖無此理無此事此番反覆固早在意料中猶不幸中之幸事今六寨肆惡其中必有一寨主謀時刻隱憂者車寨耳今反以車寨洗白爲辭若無反念何用洗白旣欲洗白於後

何不出首於先口月等寨在所必戮而車寨亦須審察萬勿失此機會更待後舉本部院身受

殊恩捐糜不能報凡事務籌遠久斷不忍少有支飾難固不辭罪亦不避倘目前惟圖苟安日後又將有事卽遲至十年二十年官去身亡猶有餘愧猶有餘恨此卽前諭所謂人禽介盜賊心也諸文武其各凜體等語批示去訖續據張鉞趙文英等稟報六寨剿洗後羣寨膽落其滾裏一處有龍早佳沙黨祥擺裏黨鳩分遮等寨會逞兇悍伏草傷人隨復遵諭料理於六月初三日趙文英潘紹周帶領

備弁兵丁一千一百四十餘員名由右路進發攻打龍早佳沙施善元史應貴帶領備弁兵丁八百七十餘員名由左路攻打黨祥再調遊擊徐希達帶兵於分董隘口策應兼護糧道守備張鳳翥帶兵於擺乃隘口堵截查諸葛營至兇寨有七十餘里頑苗將路塞斷寸步椿簽酉時方抵賊巢止隔數里面山下營兇苗吶喊拋刀終夜擊鼓放鎗於初四日黎明黔粵官兵攀援直搗兇巢頑賊尚敢抵敵我兵施放大礮鉸鎗打死兇苗數十割取耳鼻十一副追過數架山梁俱各潰敗初五日趙文

英潘紹周由龍早佳沙後山搜進大箐施善元由黨祥搜進週圍約四十餘里名大雄箐四路窮搜鎗礮打死兇苗數十斬獲首級二十一顆懸掛營門示衆割取鼻耳四十二副活擒一名奪獲火鎗刀桿無算本日隨有通事帶領分擺黨鳩擺裏分遮四寨苗頭到營洗白稱傷人拒捕係龍早佳沙黨祥三寨於初七日備牛砍款鳴誓又帶黨祥佳沙二寨苗人跪營悔罪鳴誓而去查滾裏地方共計七寨路逕旣熟懲創已遍倘不獻兇繳器洗之甚易隨於初九日撤兵回營料理車寨等情臣隨

卽批飭車寨爲腹心之患屢經密諭嚴勦蓋亦幾  
經籌畫非了無確見者詎料此報寧帖彼稱恭順  
直信不疑惟恐多事不知該文武等何愛於車寨  
始則養癰繼則諱疾若必欲庇護而聽從之者今  
且潛爲口月六寨之主謀暗作龍早等寨之羽翼  
此實老姦巨猾決非蠢苗比若復姑息養姦終必  
受其大害今亦無多言示勦示撫聽汝等爲之  
王法無私軍令具在惟功與罪其各自取大約兇器不  
盡繳兇寨不盡除卽如何調劑如何撫綏恐終爲  
不終年之計以云善後則萬不可得之數也等語

諭訖隨據趙文英等稟稱職等會議得古州下保  
之車寨勾結情實齊集兩省官兵至該寨兩山四  
面劊住著令鄉導傳諭勒獻反頭果見兇苗吶喊  
放鎗公然抵敵職等卽督率官兵四路並攻人各  
奮勇立焚兇巢我漢土官兵內被傷輕重不等共  
一十五名現今醫治隨取據金盤香亞口供看守  
外又據口月寨苗呈繳鎗礮并解獻反頭庸了銀  
有二犯到營隨見車寨包羊等被拏有帶累各寨  
今也天報之語職等會看得車寨苗民自招撫以  
來加恩實倍他處乃該苗外雖恭順中懷叵測前

勦定旦時苗民卽有悔錯聽車寨之語勦除口月寨車寨有人幫鎗昨攻中保擒苗頭金宗及藏弩頭人懶烘亦供車寨勾結情形龍早寨內又有車寨之人是車寨久蓄反念情罪難寬除將各寨各犯逐一嚴訊俟擬罪解省覆勘

題請正法外今日始知批諭所云腹心之害不除則四肢百骸終不平復實爲深知灼見職等第據其外貌之恭順並不能察其中藏之險惡目下一面遵諭巡察溶洞滾塘誠僞一面親赴上下江會勘酌議安置全盤收拾可望永寧等情隨復行批飭

全局未定難與圖成大害旣除尤須防後但屬軍器必盡勒繳無餘凡有兇頑必盡嚴拏正法老弱幼稚必分別安插之方逃散流亡必審處招集之策至該寨地址或分營駐劄或招集住居應熟籌妥議其溶洞雖無抗違滾塘雖已羈縻正當察其情形乘此速爲布置勿以一篲之虧致廢九仞之力則火種必然草根致蔓無事而有多事矣等語去訖查清水江一帶已甚寧帖城工現築營房現造苗民情願幫工且器械陸續來繳計報繳到鳥鎗一千四百九十五桿標鎗一千八百

六十根弩弓一千四十二張刀一千五百一口鳥  
機九位子母礮一位霸王鞭礮一位鐵盔九頂鐵  
甲十七身肯繳兇器則自息頑心古州總兵官原  
應駐劄諸葛營臣已檄令蘇大有將清水江軍務  
委交將官料理並檄貴東道方顯總理調度卽赴  
古州坐鎮收拾通盤大局其古州各寨據報現繳  
器械子母礮行營礮共十二位鳥鎗二千二百六  
十四桿刀一千七百十七口桿子二千一百七十  
五根盔八十五頂甲二百二十五身弩四十七張  
雖爲數不少恐藏匿尚多又經嚴檄勒兵窮搜勒

令盡繳令一面分兵料理溶峒去後茲於七月十  
二日據張鉞等稟稱今古州三保並各處山苗俱  
皆帖服兩江河道俱皆開通軍糧俱皆無誤男婦  
老弱俱已安插停妥俟古州鎮到時便回黎平赴  
省任事其溶峒一帶毫無頑抗所繳器械約共八  
千二百餘件統俟繳盡造冊另詳其營造木植據  
遠近各寨苗民紛紛運到俱給價值并賞腳價一  
切料理應聽各員分析造報粵省官兵候檄凱旋  
聖主等情臣看得古州等處地方遼濶險深界連楚粵  
加以强悍富庶器械具全故千百年來皆棄置化



外而不能制今雖仰賴

聖主威德

指授精詳勦撫開通已二三千里前後所收鎗械亦二三萬件然籌度情勢欲其知敬知畏不敢逞兇縱少有蠢動隨時殄滅似一二年內尚可以就緒若欲其知禮讓知法度革心服化一變馴良此內地所猶難卽悉心調治亦非十年不能敬誦前摺硃批卿此奏乃無益之往來不必可將三省事宜竭力辦理一二年妥協穩當卿可信而不疑時再奏請來京但聞此諭若草率辦理只圖速慰朕念倘三省新

闢事宜或有乘隙反覆文武屬員變移心志懈怠安撫至今若輩少有蠢動比時再令卿來料理則內外皆致貽誤則不但卿爲國家之罪臣而朕亦不免

天祖

之責咎也欽此伏念臣身受

殊知萬難報稱所可以自信者只此一心若或草率辦理粉飾苟安是昧天良是滅人理斷不敢暴棄至此但新闢苗疆約共十餘處計地數千餘里能整頓易求妥當難選才幹之員猶易得忠誠之人甚難惟督撫大吏或自用聰明或專慮成敗欲見長

而護短不因事以從人則雖有賢能又將不能用亦且不爲所用臣不揣愚鈍爲方隅百年計念茲全黔念及滇粵並念及川楚輾轉籌思輒徹夜不能寐私心自誓惟有矢竭血誠及身努力期無負

我

慈父以免爲罪臣而凡遇文武僚屬傾吐肺肝務規以正望爲邊疆保障以備國家任使已耳因奏

聞勦撫黔苗備細情事謹一併覆陳詞過冗長不勝瑣屑伏乞

聖主睿鑒臣謹

奏

覽卿奏報實出朕望外之事何幸如之

同日又

奏爲

聞事竊照古州都江河道向爲生苗梗阻經臣調遣粵西官兵士面勦撫定且來牛等寨一面會同相度形勢劃界分疆建營設汛開路濬河確勘議詳蓋緣諸葛大營貼近三保地方而車寨尤逼處營側外雖恭順中多耿抑且定旦伏草傷人之事卽在

車寨地方保無暗相勾結至來牛距定旦九十里  
踞江上流均須整頓藉此兵威大集可以圖定旦  
來牛致河道之通可以謀三保車寨除腹心之患  
將都江上下密置汛防大營在中以扼首尾聲勢  
聞車既壯脈絡相通卽此外尚多生苗皆可次第料理  
不致爲新疆大害也隨據報副將趙文英潘紹周  
等會勦定旦副將卜萬年董芳等會勦來牛業將  
定旦已懲來牛已勦各情形俱經奏

聞在案嗣後屢准撫臣張廣泗札及軍前文武各員節  
聖主次呈稟自會兵來牛已經勦撫革招革雄等寨後

有搖排搖曬等寨膽敢逞兇該將等統領黔粵官  
兵二千餘員名於三月初八日直抵革招後山隨  
獲革雄等寨苗民訊問逞兇首從僉云係老你寨  
倚恃地險人衆挾制勾結搖排等寨又附和定旦  
幫助來牛悉是老你爲首伊寨在深山大箐中大  
木塘塞數十餘道路止一線可通等語職等分兵  
三路開道穿箐深入三十里鎗礮打死兇苗數十  
滾箐帶傷者無數官兵又劈門入寨奪礮三位并  
鎗刀火藥等項次早遠望搖排搖曬止數里我兵  
直入該寨苗民等跪道投誠職等暫准投降專攻

爲首之老你寨復於初九日預先埋伏分兵搜寨  
焚其巢穴臨晚收兵有附近怎冷等十三小寨聞  
風畏服到營投順認納錢糧卽令其砍箐修路各  
苗傾心順從等情臣查黔粵會兵之後連剿兇惡  
大寨連撫數十小寨兵威大震各處膽寒自然漸  
歸鈴束而定旦餘孽直似遊魂更何所逃遁故前  
此分兵者可絕其相爲唇齒今則合計者可絕其  
互爲狼狽隨復諭諸將兩事止作一事觀勿以兼  
顧而致兩失務須聲東擊西自必一舉兩得但來  
牛平宇一帶爲將來安營之處檄令卜萬年董芳

駐劄來牛確試各寨誠僞不得草率將就並料理  
修鑿河道議設分防查編煙戶撫馭苗民打造船  
隻諸務檄令趙文英施善元回營料理定旦善後  
事宜續據趙文英潘紹周等稟報職等因率師協  
剿來牛隨攻革招老你諸寨而定旦頑苗無所藏  
匿遂星散於深箐密林之中正議分兵剿捕該寨  
犯阿斗阿掌等自知無路可生反歸來求死而沿  
江各寨頭人亦願以各寨身家保其永無反覆求  
請安插復業誓以改過遷善查定旦罪在不赦自  
應盡淨根株第兇犯阿憤阿同阿花阿雖阿申阿

洪六人并宗族十餘人未回若將阿斗等擒拏梟首不惟阿憤等遠颺而歸來者恐復驚散是以概爲籠絡具稟請示等情臣隨札囑撫臣并卽飛諭諸將定旦餘孽原不應准撫屢諭甚明今汝等因良寨擔保已准其歸業若復擒殺是爲詭詐其何以服衆爲目前計勒令擒獻阿憤等六犯以覘誠僞以分功罪獻則如何不獻將如何明白開諭利害聽其自擇庶不失信不損威而全勢可以大定去訖隨據趙文英等稟定旦雖經懲治餘孽悔罪投誠駕馭撫綏尤爲緊要須得幹員重兵駐守職

等議留遊擊周豹統率官兵一千員名駐劄防範而於寨比八開亦撥官兵駐劄庶足以上援定旦下應都江職等隨帶官兵前往溶硎佈置是則定旦底平沿江一路分設疏導諸事更當迅爲量度也隨復檄令會同妥議詳奪續據卜萬年稟稱自老你惡寨大創之後累日以來各寨懽欣悅服搭蓋房屋耕種田地貿易人等攜物赴場遠近苗人互相交易宛然內地景象所諭諸務現在五十料理等情臣再查得上江河道不特現通爛土司與粵之荔波縣接壤而爛土司地方有溪河一道進

至交然寨登陸五十里卽係清水江實天地自然之形勢但有三大灘及數小灘應行修鑿卽檄飭獨山州知州孫紹武勘估興修并令查勘五十里陸路若可一併開成河道則清水江都江呼應通而聲援接苗疆打成一片所關於通盤者尤鉅但欲令都江清水江河道相通其中尚小有阻梗查八寨丹江交界處離來牛二百里距八寨百里偏處東北有擺調方勝等寨素稱兇悍未經招撫因檄令卜萬年相機招撫去訖隨據稟稱該寨知清水江都江水道開通頑苗無可肆惡屢遣通事傳

諭負固不服膽敢殺死爛土司負鹽苗人二名又將木刻傳至柳壘欲阻截軍糧等情臣隨密檄古州清水江八寨丹江文武防其勾結令一面酌撥官兵與卜萬年酌定路數約定日期前赴來牛協奏力進剿而撫臣張廣泗已料理新募兵丁五百四十四名前往提臣楊天縱亦撥兵三百名聽候調遣旋據稟報清江協撥官兵六百餘員名已到來牛行營又趙文英已親領精兵五百名自諸葛營開再前來接應料大兵齊集蠢茲小醜自可一舉殄滅也所有搖排老你各處又經剿撫并擺調方勝數

寨現在議剿情形合先繕摺奏  
聞再大局一定卽應設營前開通定旦來牛等處已有  
五六百里今復剿撫數十寨此外尚須開通是除  
古州等處二千餘里外將來新闢地方又不止千  
里臣前  
奏請於通黔粵河路安設一營添兵一千名分布塘  
汛原止爲河路計尚未籌及通盤荷蒙  
硃批是題到有旨倘仍覺兵力少單不可將就從事新  
闢如許生苗地界理應增添兵弁者萬不可惜小費  
而致貽後悔如果訓導苗頑俛兇愚之性如內地人

民各知禮讓法度比時再加抽減未爲不可也遵旨  
行欽此臣伏讀之下實深傾服萬里如在目前

指授必中機要臣知愧知勉不敢少有游移應請事竣  
後共添兵三千名於扼要處所設叅將一營令帶  
兵一千五百名彈壓分佈其餘酌歸標協以備援  
剿如尚有不敷則用撥駐之法查雲南兵多地方  
無事卽歲撥臣標及迤東附近官兵一千名前往  
駐防輪流替換旣可以經練亦不爲勞苦務期無  
惡不除有頑胥化所謂搏毬亦用全力防貓亦如  
防虎俟三五年後一切如內地然後再議抽減斯

黔粵南楚呼吸可通而千百年污穢場俱化爲乾  
淨土矣再三千名兵一時難以招募如蒙

俞允懇祈

是

聖鑒准臣預行招募陸續克伍統俟分疆設汛通河開  
路諸事會詳核議後一併敘明具

題庶不致遲緩而可資巡防謹具摺

奏伏乞

聖主睿鑒

批示遵行臣謹

奏

覽題到有旨

雍正八年九月初四日雲貴廣西總督臣鄂爾泰

聖恩謹

奏爲恭謝

聖恩事雍正八年八月初二日准齋摺家奴蒙

恩賞銀十兩馳驛齋回

御賜臣

圓明園養蠶內織花屯絹並件蜜漬鮮荔枝二餅到

恩派滇又九月初一日詎家奴齋摺回滇復蒙

御賜臣蜜漬鮮荔枝二餅俱隨郊迎至署恭設香案望

硃批諭旨

七

叁

鄂爾泰



闕即頭謝覽卿奏謝矣實難蘇好二掛身到收啟至器恭結香案望  
恩祇領訖敬啟前摺荷蒙宸威齋醫回前好蒙

硃批朕安朕躬已大愈矣不必繫念也卿好麼朕此番  
斷愈後光景精神力量較前更勝卿料理地方諸務便

恩遲緩數載不妨也不必急為措辦矣欽此臣伏讀之  
聖恩下額手忻忭繼以感泣恭惟我聖宗成業

聖主御極八年無日無時不以百官萬姓為慮即  
聖躬違和亦所為何事臣飲食寤寐一有不繫念是決

無天性即賤於臣愚於臣而凡屬聞知倘有不繫  
念是皆薄天性者也此其時也懼幸鼓舞臣病方已大愈乃

夏秋間水滂地震之災乃朕躬有過  
天慈昨接鄂爾奇手稟知因直隸山東江南間被水災

間未受驚怖宮中園中內外眷從皆獲平安朕躬初愈  
宵不取再以南憂煩致疾所以過情理遣毫末焦勞此朕

亦不取再以南憂煩致疾所以過情理遣毫末焦勞此朕  
之實疆並無一事能仰慰人亦面見朕躬矣可不必繫

念聖懷轉致厘煩卿況卿來人亦面見朕躬矣可不必繫

睿慮臣罪通天置身無地雖已調遣官兵立速援剿而  
卿悞矣若以後天血氣之私忿處事何能當理況此等

事豈人力之所能使然禍兮福所倚焉知此舉非  
聖恩立賜罷斥所能使然禍兮福所倚焉知此舉非

天賜以永莫安之恩乎倘蒙  
簡命賢能大臣料理總督事務暫假臣以兵權俾親往

地神明慈佑經此一番使頑蠢不敢再肆其狂而地方  
進討臣雖不才必能殺賊擒虜以洩此恨以雪此

天

上

硃批諭旨

七

七

鄂爾泰

文武亦不敢疎忽防範何幸如之朕從前屢次訓誡者  
意中只覺必有此一反覆卿可寧神平心次第辦理愧  
奏恭謝  
憤二字甚屬可笑親往之說割雞焉用牛刀至於劉起  
聖恩附陳微悃伏乞  
元既忍負國負朕其負卿又何待言但卿當戒將來不  
可輕信屬員之忠誠概必其人之皆能感化也能悟此  
不但知信人之不可即自信亦不必也順應御人聽其  
自取此一事即

上天賜卿訓誡之恩也可懽欣鼓舞料理之其他無益之  
意念皆可不必況此事非卿之咎亦朕之過卿乃因朕  
躬違和繫念至今精神紛亂料理地方不專不誠之所

致朕實毫無罪卿之意也期共悔過祈恩以迓  
天地之慈佑可耳

同日又

奏為勦平兇寨事竊因古州地方疏通河道中有陸  
路五十里江流隔絕且未撫生苗擺調方勝等寨  
素稱兇悍盤踞其地勾結梗頑不遵誨諭勢須剪  
除前經臣

奏明隨已密札古州總兵蘇大有清江事竣即回本  
鎮就近調度著黔副將趙文英卜萬年統兵進勦  
該副將等各遵飭諭趙文英卜萬年各領官兵一

千三百名由來牛至八寨會合續據該副將等稟稱八月十六日俱由八寨起程十七日由者飛分路前進俱係高山密箐至申時約行五十餘里在甲石會合正在劄營卽有頑苗千餘於對山蜈蚣嶺吶喊放鎗逞兇此嶺相去兇巢二十餘里官兵奮力追趕過河上嶺兇苗越嶺奔逃因日色已晡難以窮追仍回甲石行營屯劄分撥備弁兵丁七百五十餘員名於嶺上露劄設伏以窺動靜聽得兇苗徹夜吶喊於十八日黎明趙文英帶領官兵由左路前進卜萬年帶領官兵由右路前進攀藤

附葛越石沿崖於辰刻直抵擺調賊巢兇苗膽敢恃橫公然拒敵官兵奮勇殺死頑苗一百餘人搶獲鳥鎗環刀桿子銅鼓等件兇苗奔箐潛逃卽將賊巢大小三寨焚燬乘勢追至方勝四路攻打將大小四寨盡行焚燬日暮收軍回營十九日黎明各領兵會合搜箐殺死頑苗多人餘多奔至擺保楊烏二寨查擺保楊烏與擺調方勝四大寨土苗稱爲四兇相離約三十餘里山箐深險路徑盤曲隨穿箐越嶺追至二寨苗衆吶喊放鎗復公然拒敵官兵併力攻打施放靖蠻大礮攻破兇寨殺死

頑苗二百餘人鎗礮打死者無算搶獲鳥鎗環刀  
桿子牛隻等件我兵帶傷者外委把總一名黎永  
昌傷死步兵一名彭書紳官兵憤恨復焚燬二寨  
兇巢燒死甚多收軍回營通計兩日之內焚燒九  
寨殺死數百兇苗仍恐餘兇未盡俟盡力搜洗務  
盡根株等情到臣查古州新疆以諸葛營居中  
坐鎮而都江清水江左右環抱中有丹江爲之接  
引所隔陸路止五十里之地一爲開濬則三江會  
合楚粵皆通誠自然之形勝而頑苗等以失其險  
要無可藏姦以故多方梗阻若不盡除兇寨卽良

寨亦難伏帖隨復嚴飭該將等務必乘機借勢徹  
底清理永杜後患去訖其凡開河設汛事宜現在  
議商卽當會疏請

旨所有剿平兇寨情形合先

奏報伏乞

聖主睿鑒施行臣謹

奏

欣悅覽之官兵爭先奮勇甚屬可嘉俟功成事定之日  
題到自有恩旨其應如何犒賞處卿酌量傳朕旨賜賞  
以示鼓勵可也所用錢糧可達部存案題銷

雍正八年九月十四日雲貴廣西總督臣鄂爾泰  
謹

奏爲密

奏事竊烏賊叛逆經臣奏

聞並備陳緣由於十三日

題報及本章行後於十四日子時據東川知府羅得  
彥武定營叅將南天章督標遊擊王聯封等報稱  
祿鼎坤之子祿萬福居住魯甸聽信賊衆共行謀  
反已緊逼東川祿鼎坤之弟祿鼎明在大營膽敢  
行刺已經伏誅等語臣查祿鼎坤原係兇惡終難

革心只因既已投順故暫請羈縻示以誠信荷蒙  
聖恩著臣送京引

見補授河南叅將並著臣照看家口因令伊子祿萬福  
暫回魯甸料理產業其餘妻女二幼子并伊弟鼎  
明仍留在省城以爲牽制及報烏蒙叛亂鼎明力  
求隨軍臣准隨往威寧續威寧軍前亦知祿萬福  
被賊脅從叛逆顯然鼎明極力訴冤欲赴東川魏  
翥國行營剖白招撫臣以祿鼎明一人即便反覆  
無所逃遁因令本標隨征劉漢甲押伴軍前並密  
諭魏翥國留心防範但有形跡卽刻正法乃祿鼎

明知祿萬福反謀情實必將不免早差家人於東川一路布散流言勾約舊東川土府之的派祿良珍等寨謀復東川糾聚衆裸合併烏夷欲攻府城而府城內拏獲姦細一名卽係鼎明家人初九日鼎明到營卽拔刀行刺魏翥國隨立將鼎明正法臣隨於是夜將祿鼎坤家口盡行拏禁現在訊供懇祈

聖鑒將祿鼎坤交部拏禁嚴訊通謀情弊如鼎坤已赴任祈速

敕下河東督臣田文鏡密拏確訊並飛移臣知以便將

伊家口正法專此繕摺差臣家奴馳

奏伏乞

聖主睿鑒施行再東川一路官兵已到二千餘名可以無虞威寧一路已到官兵二千餘名且威寧土目與誓不從賊其餘官土兵陸續可到提臣張耀祖已聞并先帶本標官兵於十五日可以到省合併陳明臣謹

奏

照所奏諭田文鏡矣但此事恐祿鼎坤未必知情或有冤抑情節亦未可定俟審明自有分曉

雍正八年十月十七日雲貴廣西總督臣鄂爾泰  
謹

奏為官兵報捷恢復烏蒙事竊照烏蒙猥賊叛逆情  
形已經臣奏

聞并具

題在案隨據東川威寧鎮雄等處羽書告警并據武  
定宣威霑益尋甸畢節等處請兵貼防查東川一  
路烏猥萬數半已渡江江外則勾連涼山下方阿  
驢各賊以為倚仗江內則糾合巧家營者家海以  
為黨援其禍胎始於祿鼎坤成於祿鼎新祿萬福

而東川之祿良珍祿應爵祿天錫祿承鼎等凡祿  
氏兇目皆起而應之自近江如則補以扯地方要  
截江路近城如以則以擢地方窺伺城垣東川境  
內如挖泥矣氏歹補阿汪等寨東川境外如急羅  
箐施魯古牛畢古等寨迤邐至於武定尋甸凡進  
東川隘口拆毀橋梁沿途堵塞以致往來斷絕聲  
息不通威寧一路阿底為咽喉則勾通頭目黑寡  
暮末構雄等賊鎮雄一路奎鄉為鎖鑰則勾通頭  
目施額法漏阿路刷刀等賊殺傷塘兵搶劫糧運  
施弩放礮公然拒敵且串結漢姦代傳木刻遍委

姦細四布流言以致賊勢洶湧民心惶惑臣一面  
飛調各路官土兵丁一面出示諭以逆賊卽時撲  
滅毋得驚慌令各地方官團練鄉兵以資守望復  
嚴緝漢姦密拏姦細皆已屢經擒獲訊問確供并  
得賊內情形隨皆梟示至凡出師弁兵因倉猝派  
調已各賞銀一兩并氈衫棉襖各一件運糧夫役  
各照民間價值少酌加增通計兩省所調官兵共  
一萬數千名土兵半之無不踴躍用命宵夜前驅  
除分防各城池各要隘外盡以撥東川威寧鎮雄  
先分三路掃除羽黨羣兇再圖會合進剿烏蒙逆

賊東川一路經委新授臨安總兵官魏翥國總統  
兵馬仍聽提臣張耀祖調度續因魏翥國被刺帶  
傷隨改委楚姚總兵官官祿威寧一路委安籠總  
兵官哈元生總統兵馬以未到任梧州協副將徐  
成貞副之鎮雄一路有鎮雄營叅將韓勳勇敢可  
用仍令聽哈元生調度自九月十八至十月初七  
日據韓勳報稱九月十二日鎮雄土目施額者布  
法漏者約等勾通烏賊聚眾數千將東蒙鎮標所  
失盛甲旗幟號筒等夫張聲勢官兵目擊心傷奮  
勇爭先無不一以當十於本日巳時至十三日巳



時在莫都都地方晝夜血戰二十七次殺賊三百餘人帶傷者無算夷賊奔號潰散連破四寨盡行燒燬而州城附近有逆賊刷刀說革等在雨撒河以那山箐搶劫行人並詐稱隴慶侯庶母二祿氏招兵聚衆州城居民驚慌賊復謀逼二祿氏往主賊寨二祿氏矢死效忠逆賊解散知州徐德裕密差鄉約兵役將刷刀說革并刷刀之子阿夏等俱經拏獲訊明確供皆立刻杖斃民心始定九月二十六日又有夷良一帶地方叛曰阿路等帶領烏賊共七八千割立奎鄉對面山嶺至三更時候

掌號吶喊甚是猖獗因黑夜不便攻擊二十七日帶領官兵前往膽敢分作九股迎來拒敵官兵分七路攻擊自辰至申鎗礮刀箭傷死者百餘人帶傷數百餘人斬獻頭目首級六顆夷賊大敗二十八日賊又於寸鐵塘地方離營盤五里搶劫倉房分十路前來卑職等分五路攻擊自巳至酉夷賊傷死者二百餘人帶傷者三百餘人生擒四人斬首級五十餘顆復令雄所土目安國興抄截後路殺賊五十餘人賊又大敗至十月初二日辰時逆目等仍敢分兵十路卑職帶領官兵仍分路攻擊

自辰至午勦殺夷賊斬獻首級六十餘顆傷死者二百餘人帶傷者不計其數賊奔入山谷各官兵戮力追殺直至賊營焚其營寨逆夷奔散等情臣查鎮雄州屬之奎鄉係接烏蒙要隘離州城四站該營額兵除留城分汛外時韓勲所領駐劄奎鄉者不過四百人敵賊數千血戰一日夜殺賊數百連破四寨非具忠勇之氣不能奮力如此卽後三韓勲此番之忠勇所建功績實史冊所罕載者朕欲卽日連戰亦止一千五百兵敗賊八千斬殺二千餘用爲烏蒙鎮總兵已有旨問卿矣朕嘉喜之情筆不能衆大挫賊鋒實自韓勲始臣隨從優獎勞以示鼓勵并撥調漢土官兵二千餘名星速前往庶存防諭當優獎者

進勦皆可敷分布此鎮雄一路之情形也自九月二十二日至十月十五日節據張耀祖咨并鎮將等驗報烏賊勾合東川諸夷在府城四境大箐口土城馬鞍山馬五寨挖泥寨等處焚掠村寨截斷糧運殺傷塘兵魏翥國於九月十一至十四等日遣將出勦官兵奮勇日斬數十級百餘級不等九月二十一日遊擊王曜祖張超等前往隱革箐海山箐搜勦各遇賊數百人殺死甚衆生擒猓賊九人獲有長鎗并牛羊等件又於二十二二十三二十四等日王曜祖等由小龍潭前進東川有夷賊數千堵禦

拒敵每日率領官兵奮勇對敵斬獲首級甚衆至  
二十七日總兵官祿自小龍潭起程前進行至歹  
補有夷目沙七福受等訴求招安二十九日相率  
老幼男婦齊至行營叩見准撫行至以濯河有夷  
賊數千阻住要口於山梁安放滾木插石官兵奮  
勇鎗礮齊發帶傷滾崖而死者不計其數連斬首  
級數十顆獲弩弓長鎗甚多於戌刻抵東川府城  
迨十月初四日官祿遣遊擊紀龍等帶領官兵直  
抵挖泥寨一帶賊營裸賊數千攻擊數次賊衆大  
敗燒燬扯戛黑龍潭拖姑等處十三寨救獲被擄

民婦子女七名口又遊擊王先由武定僻路前進  
東川駐劄畢古壩擒獲賊人勿替等訊取傳播木  
刻并賊寨情形隨於十月初四日將勿替斬首祭  
旗帶領官土兵前進剿捕賊衆遠望逃竄追趕十  
餘里初五日追至古牛寨後山賊衆躲藏密箐官  
兵鎗礮齊放打死十餘人帶傷滾箐者甚衆初七  
日復追至古牛壘自辰至申斬殺死傷無數又初  
五日遊擊何元守備張其貴奉提臣委剿捕阿旺  
急羅箐據報自辰至申殺賊三百餘人賊不能支  
跑入箐口堵守寨柵官兵於山上山下四路夾攻

賊哀求投降我兵入箐追搜活擒男婦大小二百三十一名口又斬賊二百一十三人夷賊遁入壘頂復追斬數十人初六日辰刻移兵到噶得三台壘柵梁賊衆踞險施放播石弩箭自辰至申將壘打開賊衆殺傷甚多於十五日總兵官祿驗報遣遊擊紀龍等勦洗者家海逆猥查者家海寨大人衆東川第一兇頑卽由魯甸進烏蒙捷路也訪得者家海賊首陸承爵等皆聚於山後三多多等寨初十日官兵分兩路攻打殺賊無數賊衆滾箐奔至江邊官兵追至賊衆過渡不及盡投水淹死等

情查東川逆目半係祿姓緣烏賊叛亂祿鼎坤之子祿萬福等通行勾結乘勢過江搶廠劫糧肆行擄掠幸臣於七日內已調到官兵二千名東川得保無恙且間日出勦賊多死傷隨後官兵大集初

至數千今滿一萬但能鼓勇前驅何難數日而定張耀祖朕原不深取因卿各處委遣若能幹事而李衛乃提臣張耀祖震於賊勢惑於流言不但未諸兵復數次陳奏其優朕幾自以爲識錯觀此則朕前所觀機並亦毫無膽量而總兵官祿鼎坤庸弱因聽提究屬不爽不過一老練俗將耳此番舉止在伊亦竭盡心力奈其才有限何朕意欲調署固原提印給元生朕向來甚以器賞之此番恢復之功實非尋常人之所可恃速則成功緩將誤事戰不利罪不諉人言不

能者朕欲將哈元生補授滇省提督卿以為如何如言聽過不在我張耀祖始撥官兵淺進分剿及一進剿而賊已披靡望風奔竄雖氣已少振終不免就易避難臣因飛調官祿回省面示機宜令獨任東川酌行剿撫咨會張耀祖著領官兵六千名速進魯甸會合哈元生料理烏蒙事緣烏蒙業已恢復掃靖頗易張耀祖熟悉形勢調度不難此東川一路之情形也自九月二十四日至十月十五日節據哈元生報稱九月二十一日烏蒙逆賊約有三萬分作三股漫過官防海子張旗吶喊殺邊前來隨親同副將徐成貞署叅將會長治從得勝坡帶

領官兵分三路迎剿鎗礮打死賊眾無數斬賊首三十餘顆進退十數次賊大敗始散於二十二日賊又分十二三路而來有威寧阿底叛目黑寡膽敢衝鋒直前用長鎗來刺本職一手隔過隨拔箭射中黑寡落馬墮地斬其首級又隨射死兇日暮末一名殺死賊眾無數生擒賊十三名隨於本月初八日由得勝坡拔營前進以那地方逆賊數萬在對過山梁張旗吶喊接連十有餘里官兵雖強幾有眾寡不敵之勢本職激勵三軍宣諭憲令於初九日夜密令叅將康世顯遊擊王友文會長治

各帶領官土兵分作兩路潛遶賊營左右後山埋  
伏奇兵各聽號礮出奇攻擊至初十日五鼓率同  
副將徐成貞并土千總安天爵等帶領官土兵由  
中路前進賊眾分數股前來迎敵官兵一人不動  
直至相近號礮一聲然後一齊奮勇鎗礮並發而  
此兩路奇兵亦一齊突出賊眾不能抵敵大敗四  
奔官兵乘勢追殺連踏賊營八十餘座追至稻田  
壩復冒險殺過松林直搗巢穴凡東蒙鎮所遺盛  
甲器械及賊眾刀標鎗弩并窩蓬鑼鍋衣服乾糧  
等件沿山拋棄卽於本日直抵烏蒙城外之鳳凰

星  
山駐劄恢復郡治特差陣前守備段福飛報大捷  
等情臣查總兵哈元生調委總統於九月十九日  
始抵威寧時官兵不過二千餘名所帶領駐劄得

凡見此奏斷無不歡慶鼓舞愛服哈元生者况朕躬耶  
再徐成貞朕甚愛賞之前恐其行不逮言今觀此番奮  
勇尚何不可信卿前言只可副將之任則朕觀人之識  
似較勝也朕今欲將徐成貞補哈元生之任卿以爲何  
如可速回奏  
謀齊心努力官民兩稱之此威寧一路之情形也

竊思烏蒙之變固造謀於祿鼎坤實成禍於劉起

元蓋我多鎗礮賊止刀弩如果兵有訓練官有防  
閑賊便生心亦斷不敢妄動卽或事起倉猝寡不  
能支時有商民萬衆皆欲效死殺賊亦可據險抵  
禦以待援兵乃劉起元並未一出衙署擁兵護守  
卑詞求和所有官私盡以予賊而賊愈橫逆坐致  
傾陷今哈元生於二旬之內已克復烏郡各路弁  
兵奮勇誓欲滅此朝食卽運糧夫役莫不踴躍前  
驅此皆我  
皇上之深恩厚澤浹骨淪髓各思圖報之所致而年歲  
豐稔天氣晴和於九月初一初四十二三等日每

遇遣發官兵時五色雲疊見若示人以無恐者臣

每聞捷報感幸之餘益切惶愧有忝封疆致塵

何必只存此見解朕實不取聖慮實無地自容也現已飛催張耀祖星速前進分路

奏窮搜務獲渠魁盡屠醜類所有安插調劑事宜已

望主飭徐成貞會同文員一面料理其烏蒙鎮奔出之

聞弁兵丁現有五百餘名諒投到者尚衆俱無庸置議

自代未經被害之文員備弁均有應得之罪未便寬縱

卽領兵進剿之提鎮以下及將弁等官強怯不一

功過各異亦應據實糾叅未便瞻徇但用人之際

不得不暫時隱忍以重軍威統俟事竣之日分別

甚是

題聽候部議除援進藏例募兵克伍并糧運脚費軍

需犒賞另疏請

旨外所有官兵報捷恢復烏蒙情形合先奏

聞伏乞

聖主睿鑒 謹

奏

覽凡犒賞此役皆從裕厚不可稍存省費小見公用正  
項只管酌量動用摺奏以聞朕自有旨諭

數





